

Apukokinio Naka Yesu Kristo

Jeffersonville, Indiana, USA

60-1204M

1 Eyalama noi, Onac Neville.

Ipedorete yesi aiboikin.

Acamunit eong alimunitere, ebe, "Abu eong eyalamikin nealimokinere eong ebe, 'Kalototo togo loka Ejakait.'"

Kwana ilipit aitimio ebe imameotor kaiboisit, aiboisit naiboikino, kanuka luejaas kere, ido aticepak epote aiyatakin kosabiiti kaloebunit, itunga epote toma, kepuputu nuka atukonokin.

Konye apolou naka apak kana naitegelikina arai tetere oni ipedori...Kotoma otauka abu Edeke ibwaikinite aikwenyaret naka aitepesenet kangin, ebe, "Ibusakinit Ekanisa kotoma apaaran na kojaunos kede Aisiiraret." Naarai, eyuunit eong ebe erai Aisiirareta nukapolok kakere kotoma Obaibuli, naarai epukorit ngin Kristo kotoma OkanisaKe kotoma apak kana.

Kwangin emamei itunganan yenedepori ajaun kede aiyuun arai ajenun nuejaas kesi aswam, arai nejaas kesi alosit, arai mam kesi ejaatar, kicebore yenesepikinete kesi akeceomisio kede aiyuun toma. Kanuka ngun, arai epukorit Naiwadikatai Kristo mamawok kotoma apaarasia kanu nukawasia, ka ejautene loka apak, ti ngin kismamaiki oni ajokis aingic Ngin kasodete ajenun nekijai oni.

2 Kwana, kitimoi isio-isio mam ekosikanisa elal, adiope paaran imuno ajaun kede ngol.

Apaarasia nu aongon nuatuburos, aitelekarit, aisia kanuka nu kotoma owai loka akiro nukolosek nuka-nuka Eitabo loka Apukokinio, etor eong toma oboro lu lumam eong aomoomotor bala iswamaunara. Ido ayangau da mamaka a-aipup ebe, akaulo naka Aturio kanu Akanyikaarei nuka Ekanisa, etor eong toma kangun, abuni eong akotokin atuputupeta ace nuka eipone kangol nuka aitolomun e-Ekanisa lokabeit ka ekanisa lokaingal," nepepe, ido kotoma akiro nukolosek ka Naiwadikatai. Kwape abu eong ketaarikinor adiopepak, kotoma aisisianakin, alemun "Emusabibu lokabeit ka emusabibu lokaingal," luejaas Obaibuli. Ido irai oni...

3 Ilosi oni aitam adumun icolongo ice, kwape aomoomooma eong nuikamunitos itunga aiboikin. Ido ilosi oni alemun, aitam alemun, icolongo ice aiyatakin, kanu aitam aileleb agoolai kokau kanen, ka kinga, ka aiyatakin ice airimun, tetere oni kipedori aisiboikin itunga luiyatakina kotoma apak naka aijanakin.

4 Kwana, kotoma kanu, ti eong elip kanginidiopet kotoma kayesi luipodokinitos kanuka iboro kalu, tikepotu nginipak nailosio oni a-aitetemitem Ngin. Ido mam ti eong apal, araibo abu eong kaomoom elopet...[Aiboisit naemamei ibore kateepu-Ekewa.]...apalun... [Aiboisit naemamei ibore kateepu.]...Eitabo lo lokapolon loka Apukokinio naka...[Aiboisit naemamei ibore kateepu]...Aturio Akanyikaarei nuka Ekanisa. Konye agongakina eong kede etau kere neejai Edeke, kanu-kanu apukokin ngun mamaka kwape adolokina eong ngun.

Akiro nukolosek nuka akwap, nueraas nuka...nuelemunitai kanejaas ikewadikak akiro lukolosek lukagogong noi luajeni eong. Ajaatar eong eperi kotoma agoolaka naka aisia, kwape kwana, nepetai etetemok ikany arai ikanykape, loka *Hislop's Two Babylons*, *Foxe's Book Of The Martyrs*, ka itabon ice; kwape Pre-Nicene, nepetai iwongon luka ngul, nepetai iwaitin luka apapulai akwataongon kotoma kanginiitabo. Ido kangina airiamun naka Nicea, ka akiro nukolosek kere nuipedori oni. Naarai, kau naka kana, kotoma ateepu, ilosi oni aiwadik aitetemuneta akanyikaarei nuka Aturio Akanyikaarei nuka Ekanisa, kanu aijukar akwap kere, neipedori oni, naarai ijai oni toma apaarasia nukawasia. Ijai oni toma apak nawasia.

5 Mam ngin abu kolumo noi toma otauka kiton aseon natubor, kasodi do eong aanyun neijai oni. Ogeuni Emoyo Lokalaunan apukokin eong, aikwenyar itunga, ka asipokin nu. Ido mam eong apedori aswam ngin kotoma o-okanisa kwape nat kalo, ejok cut. Ido arai eboikin eong kwap kasodi aiwadik eitabo...apupi eong ebe arai adoka eong oltut, kosodi ainyonyoikininio naka Emoyo Lokalaunan akidingos naka Ikristayon abunore mamaka, aingarakin eong, kwangin abuni do eong araut loelosikina aiwadik do etabo, akaulo na eong alemun nges kotoma ateepu, naarai kangina nges tikidumunia oni ainyonyoikinioke. Itaabon, ba, eponio asubit bala itetenario mot, naarai, kotoma kane, ibwaikini oni toma tetere oni ipedori aibwaikin otabo. Kasodete do oni...Ido iyangaikini oni apak naepol kotoma anyogonokin awokowat, araibo eswamai eong. Kosodi do, kotoma otabo, ebunio atetenar. Konye ilosi aitam alemun ngin kere, cut kwape kipedoria kere, kotoma ateepun.

Kwana, ateepun, kanginikuar, aiwadik kede kaceda, epote isap aswam ngun kokinga naka aduketait ngina.

6 Kwana, aticepak mam eong abuni apedor kanginikuar, kwape ajalakinitor eong nejai oni aitam kanuka aibuses naka Edeke, kanu-kanu Aisiranareta nu akanyikaarei nuka ekanisa, arai Aturio Akanyikaarei nuka Ekanisa, kotoma akuarasia akanyikaarei; aitwasam nginikuar, atur. kwape nat akuar kaNebalasa, Epeso;

akaur kaNaiareit, Swaitira; akuar kaNaikanyet, Sarudio; akuar kaNaemukaga Piladelupia; kosodi kaNasabiiti tupuruc ka akuar kaNasabiti Laodikia, atur nakijari oni kotoma. Kainanakini akiro nukolosek nuka ekanisa kalogeunet, kosodi-kosodi ikewadikak ka etetemok akiro nukolosek ka imalaikan luka aturio kangun, ka-ka aisiiranareta, kosodi kwa alosio ekanisa, kwape abunio anatar kiton apak na.

Ido eumokina aanyun ebe kanginidwarasit naka Naiwadikatai ibecokina cut kede akiro nukolosek, becebec cut, kiton aomisioitike. Abu ber bobo kisuumok eong noi, kiton, bian, abu eong kasiom kiton neasubitor bala apotu akakonye obutuinikis. Kasodi eong alomun kinga, kasodi eong alimokin akaberu, "Mam eong erujator ngin bala abuni ajaun kwangin." Ianyu? Eipone loapolor ngin!

7 Ido kwana, apakio ace, mam aticepak eong apedori angetakin kere kotoma akuar adiopet, ekanisa, aisiiraret neejai ekanisa. Ido araimam eong apedori angetakin ngin kere, kotoma akuar adiopet, eraun do atupuruc naetupakini kosawan iwongon. Eponio alimonor nginikuar, nejaas ngul luekotosi abunore kosodete angetakin neideuna, naarai ilosi oni, aitam, aibwaikin ngin ateepeu. Abuni do eong ajaun kede aijanakineta ageun isawam iwongon, tupuruc, kiton kiding paaran, cut paaran, aitam angetakin ngin, aisiiraret kere, naarai ikamunete kesi ngin kotoma ateepeu. Mere...

Ilimo oni ebe mam ebuni ajaun adioijanakin naka aitagale, naarai itamit oni asalakinit toma agat naka adwaranut nakObaibuli. Kosodi apotu oni kajauna kede aijanakin naka aitagale pac kane. Kosodi akaulo naengetakinotor aijaanakineta ngun, ibuni do oni ajaun kede aijaanakin naka aitagale bobo ebonguni aiboisit.

8 Konye kwana akoto eong-eong aitacaun na ejok cut, tetere nginitunganan kere epedori aitunit, ebe kwana, kotoma kane, epedori aitub ka airiun, kosodi ainakin oni kere aitamaranio naepol. Konye ekamunitos eong akiro; mere kanu-kanu idiobore konye alimonokin Akirot. Ngun, kodaunos ngun. Adongakina bon-bon neejai Akirot. Ido irwan ipu epedori, kotoma aturio kanu nuka ekanisa, epedori acaikin neejai erionget loka icetunganan. Ido arai kiswamau ngun, mam epeleikinitai kanu asurokin. Erai bon-bon alimun nuebala Naiwadikatai, ka apukokinio najaatar eong naka Ngin. Ido arai iomit ijo ebe ebucarit eong kotoma ngin, mam do imarakini ngin neajai eong, ilipanak eong ailipanakin tetere Edeke itodikini eong naerai naedolit, naarai kaitebeikin akoto eong araut loadolit.

Kosodi do icebore, akaulo namisiikin epelu loajaatar eong, kotoma-kotoma airiamun kwape nat kana, ebe aisisianakin itunga, ebe ebuni Emoyo Lokalaunan aimarakin eong kanuka nginikiro kere nualimuni eong kotuti. Kwangin iseseni do ijo aiyaapara nakijaar oni adolokini na.

9 Kwana, iwoko...

Ti eong ajaun kede na kanenice kere. Konye kwape eraar na aisisianakin, kwangin erai do kotoma iwoko...Kokinga kotoma ajanakineta nuka alimonokin, kanginidiopet kotoma kaoni ejaas kede aomisioit arai-arai amisiikin aomisio, araibo kwape ajaar kotoma atur, ido kijaar oni kiwokokanisan obe, ido nuisisianakinitos oni iwokokanisan, ka nuiyuunit oni. Oni...Mam eong akoto alosit toma okanisa icetunganan, arai akidingos naka itunga kwape kangul, kasodi alimun icebore yenitegelikina kede yenisisianakinitai. Naarai, kakere, atam eong aitacaun akakiro ebe e...

Arai erai etunganan Etulikat, ido kogongakina ngesi neejai Ekanisa loka Atulik kanuka aitajario, eoliorit ngesi. Arai erai loka Baptist, kogongakina nejai Ekanisa loka Baptist, eoliorit ngesi. Araibo Epetekotit, kogongakina neejai Ekanisa loka Pentekosit kanu aitajar nges, eoliorit ngesi. Konye...Ediokanisa! Konye arai apesikina itunganan ngin cut nejai aiyuun toma aswam naedauna naka Kristo ko Kalvari, itajaritai ngesi, mam eong apodo ekanisa loejai ngesi toma. Naarai, "Kanuka aiyuun nges itajaritere oni, ido ebe kanuka asianut."

10 Kwana, ecepakio, kotoma aswam nu, abuni do eong aoomoom, kotoma aduketaitika elopet kane naapotu isio ageutu ikar kau, kede amatapalin nuka esimit ka iboro, ido erai aiboisit naesubit bala nakalaunan mamawok. Ilait oni ngin, ilait oni aanyun ngin ijulakin, kotoma koipone ediopet, naarai ne nges abu Edeke kogeunia airiamun kede oni, koroko ber oni kiladaikina kwapuke da. Konye adoloki toma adoketait kwana kiton naamojongia, ido ijai oni toma ainapeta nuka aiduk-aiduk ne, aleleb amatapalin nu kede ekanisa kane.

Kwana, kiton apak ngin, apupi eong ebe neabonguna eong kotoma osawa, nemam eong abunio aitaadikin inacanaka aiketakin akaomisioit, kokinga-kokinga naka etutika kane. Ido kwangin arai kitema ijo ebe, "Isisianakitai eong kitegelikina mot," ti eong...Kosodi do, kotoma kana, isukunyikinit isio idiotunganan yenekoto abunore. Ianyu? Emamei idiotunganan yenetacit na, arai idiobore. Erai ekanisa loka ne. Ido idiotunganan yenekoto abunore, isukunyunitai abunore. Koby abunore. Kwangin esukunyikinit eong ijo ayangaun Ebaibulikon, nginitukonokin, kosodi ayangaun ekalamukon ka apapula.

11 Ido kwana, kede aitetemeta kere kacieda, timam eong kayangau iitabon lu kere. Kwangin abu eong kewadik ngun aiwadik, nginipak, toma apapulaka kane, akiro adis kotoma akiro nukolosek ka aitetemeta, kaceda, tetere eong apedori aisiomunun ngun kotoma akiro newadikat eong kane, aiboisit naka adakit

eitabo ka aipuk apapulai. Ejaas ngun da, needolokinia Naiwadikatai, kitwasamai oni Ebaibuli. Kosodi kotoma aitetemeta, abuni eong aitetemun; araibo akiro nukolosek, lukangaibo ikewadikak luapotu kolimutu ngin, kacieda. Kosodi do kotoma...Kotoma akiro nuka eitabo loebunit, inyobo, kosodi do ipedor oni aituput ngin cut ejok, ido ipedori oni ainakin nginibore kere iswamao ejok.

12 Kwana, ibuni oni aswam nginibore kere yenipedori oni ageun sek kasodete aitwar sek noi kwape kipedora. Ebuni araut apaarasia akanyauni, airiamununeta, Nasabiti kiton Nasabiti.

Atupuruc na ajai eong ageun esula losodit loka Apukokinio, loka Eitabo loka Apukokinio. Ido Apukokinio esipokinitai kotoma atutubena auni. Ido isulai iuni lusodit nges ibuni oni aiswamanaror kotoma aparasia kanu akanyauni. Kopedori ti, atur adiopet naka ekanisa ayangaikin elap. Konye ejaun oni aicakacak aiboisio nuapolok, kwape kinyara oni. Kosodi konyet idumuni ijo eitabo, eponio aiwadikaun, nuipu kotoma aidules.

13 Kwana, Apukokinio, isulai iuni lusodit, ikamanara kede Ekanisa kooliori konyet do Ekanisa. Mam bobo oni ianyuni Ngol kiton apak nakawasia. Anyoun kotoma Apukokinio 1 kiton 3, erai Ekanisa; Apukokinio 4 kiton 19, erai Israel, akwap, kosodi 19 kiton 22, erai iarei kere, nepepe. Kosodi aitakaneta ka aikwenyanareta, kacieda, kotoma angeset! Esipokitai kotoma atutubena auni. Ianyu? Ido ijai oni alemun isulai iuni lusodit, nuikamunitos Ekanisa, ka atur naka ekanisa naijari oni kotoma.

Kwana, nasodit, epedori kosubite bala eonit naarai ebeit oni abongor kau kasodete apesikin apetetait. Abu eong kelip kasodi aisia, kasodi aswam nginibore yenapedori eong, aitam adumun ailelebio naka Emoyo Lokalaunan, eipone loebeitor asipokin na, tetere itunga eanyunete, ido tetere aticepak ijo, kotoma aanyun ngin, icauni kosodi aidupor ijo aikunyun die neejai Kristo, naarai ijai oni toma apak nakawasia.

14 Ido erai ibore yeneumokina noi, kwape ajaar lem eong esisiai akiro nukolosek, ajenun eipone loabu ekanisa kogeunia, ka eipone loabu konyuonio awai, ka nuapotu iswamaunos, ka aanyun icokat ngin yenika Edeke elosi kotoma nginidiopet kotoma aturio kangun; alosit kinga cut, ayapikinit, kotoma aiboisit adiopet.

Kwana, imoi akuar naka moi, ibuni oni ageun, ido kijaar eong kede apapula naelal-apapula naelal kane; mere apapula naelal, konye abao, na da akoto eong aisisinakin nges ketwasamae abao. Acamunit eong loisisianakini idwe, ediopet kotoma kakesi ejaatar kabao. Etei eong ngin kokau, abuni eong ainakin, yenitalai ne ayangaun ngin kuju. Aibwaikin ne iingaren, tetere eong apedori aisisianakin kotoma abao kangin, kasodi aiwadik ngun ido ipote yesi ajenun ejok. Ido ipedori ijo anomakin ngin apapulakon, kaceda, kasodete aisukunyun ngin cut kwape kipedora ayangauan ngin.

15 Konye akoto ber eong alimun na eroko egeuna: Aanyun ageunet naka atur naka ekanisa; ka aanyun eipone loapotu ikiyakia, aisisianakina ka iboro luapotu kesi kisisianakisi, ka nutupitono nuko Obaibuli; kasodete do aanyun ekanisa ngol, nepetai atutubet bala ekodet lokiareikini loka ikiyakia, eipone loageunia aolioor, aisisianakin obe nateni, nakabeit; ekodet lokiiunikini, ikunyakini awai cut; kotoma atutubet nakiwongonikini, adaunit aolior toma a-ajalam, abu ekanisa kitolom ekanisa loejalam.

Kosodi do Ekanisa loilelebas kede Emoyo! Lo da, alimuni eong na kede ayongit naka Edeke neejai etunganan loka ngolidiini kere. Anyoun kageunet, kiton apak na, Ekanisa obe, lokabeit erai Ekanisa lokapentekosit. Erai ngin abeit. Ayua Edeke Ekanisa lo.

Ido aumokinit duc eong, neabu Yesu kitolomunia alimunet, ebalu ebe, "Sirikurianar isipan yenididi, erai akot nakajokan naka Papakus ainakin yesi akabakanut." Abu duc eong aumokinite nuapeleikinit ngin, konye abu eong kamisiik ngin kwana.

16 Osabiiti loatubor apotu kajaunos kede ariamun ko Shreveport, Louisiana, airiamun nakaumokin kakere naalositor eong toma, kotoma aijaraka. Shreveport!

Ajai eong...abu eong kajaunos kede apaarasia aarei nuka aiyeng, kasodi eong alosit ngina Kentucky kede Onac Wood kane, ediopet kotoma odikonin lukokanisa, arai, atemas, lumunon, amej. Apotu isio kalototo amagoro.

Abu eong enom ekunyak losodit. Kasodi eong atemar ebe, "Abuni eong aidereun," naarai abu icetunganan kobu atubor kede ingokwo. Kasodi eong atemar, "Abuni eong aidereun kiton ikunyak abongun kinga kaipanya. Apotu kokerata kuju toma naka ikito, toma agolotin, kosodete kwana aingop." Abu eong katema ebe, "Naelomuniata kesi kinga...abuni eong aboikin ne kasodi aidereun." Naarai, elilim cut abeit ido ilisinaikite, ido kibwangibwangete akii. Ido, ijeni ijo, ikwamin lueponitos kotoma aditono. Abu eong atema ebe, "Abuni eong aidar kiton ikunyak alomun kinga."

17 Amamei icebore adepar aiboikin kwap, kiton neatemaria Emoyo Lokalaunan ebe, "Konyou, kosodi alosit kuju toma aiboisit nainyarit ijo ebe 'aloro naka ekabolian.' Abuni Eong einer kede ijo kangina."

Kasodi eong alosit kuju toma aiboisit nabu eong anyarak ebe, "aloro naka ekabolian," naarai, akirot nainakini eong anyarai alarieik ngun, eong elopet, tetere eong ajeni neajai eong. "Aloro naka ekabolian," naarai apotu kesi...Abu eong kaloma toma nen kasodi aanyun ikunyuko itomon ka lukanykape ejorete kokitoi; abu eong kenom enaba loabeit, kajalakini eong luce kere kangina, kasodi alosit awai. Ido ngin nges abolia, ibore yenibusakinit aswam. Kwangin do anyarit eong ngin, "Aloro naka ekabolian."

Kosodi Ngesi aitejenikin eong ebe, "Aiboisit nainyarit ijo ebe 'aloro naka ekabolian.'" Mere ebe abu ngesi konyara ngin, konye eong nges abu kanyara ngin kwangin.

Kasodi eong alosit kuju akou naka aloro kangin kasodi aiboikin kwap naka ekitoi loakwangan loka oak, kasodi aidar nepetai esawa ediopet, ido amamei ibore yenabu iswamaun, kasodi eong arior kokwap, kasodi anyaar akakanin. Kosodi Ngesi ainerakin keong.

Ido neabu Ngesi kiswamauna ngun, akiro nuabu Ngesi kapukok eong, kotoma Okokoro kalopekalo loijai oni adolokin neke atupuruc na, mam eong aanyunitor ngin lem, kotoma aijaraka.

18 Kosodi do neadolio eong Shreveport Louisiana, aberu naejaatar ainakinet, ekekiror erai Amucalat Shradet...

Ikar luipu kau, neabu Emalaika loka Ejakait kiriamunotor keong kalaije kocilet, irwan nasodit, kosodi atakanun kotoma Aica ngin, ido Akiro nuabu Ngesi kiner kangina; ikar itomon ka ediope ekaulo, neabu eong abunio toma airiamun, abu aberu na konyou kosodi einer kotoma angejepa kosodi aijul. Arai akirot kanu akirot ibore ngipengin yenabala Emalaika.

Kosodi aberu napena neabu eong kalomunia okanisa ko...arai aiboisit ko Shreveport najai oni toma, Life Tabernacle, abu Emoyo Lokalaunan kitwasam aberu ngin kosodi einer akirot kanu akirot nuabu Ngesi kalimok eong kokuju kangina komoru. Kosodi Emoyo ageun aswam kosodi ainakin ajulunet, aidwar iboro kanuka apukokinio, kede aidwar, iboro luebeit aiswamaun kotoma airiamun akuar natupakini, ido mam ngin abu ibiror karaida apak adiopet.

Eroko nen, abu aberu kobwo kotoma airiamun, aberu naka Baptist abu kobu ngina komam ejeni nuabeit nges aswam. Ido ajai ngesi ebwoi kotoma akidingos naka airiamun, ido abu Emoyo Lokalaunan kodoik nges kosodi ngesi agear einer kede angajepa, aberu nako First Baptist Church loka Shreveport. Kosodi do mam nges ajeni nuabu ngesi kiswama. Kosodi do, eroko nges elimuna idiobore, abu Emoyo Lokalaunan koinak aijulunet, ebala ebe, "EBALA EJAKAIT KWANATA, 'kiding naka ilapio iuni, ebuni ajaun Emoyo loka Musa, Eliya, ka Kristo, ijanakinete kokanisa kalo.'" Abu kiswamaun cut, kotenan.

19 Abu etunganan loka Baptist kolomunite ko Meridian, Mississippi, kogeu aidokokokin akekan ofurijike, kanu alemun icebore kotoma ofriij, kosodi Emoyo Lokalaunan adoikin nges. Kosodi ngesi einer kotoma angajepa, komam ejeni nuajai ngesi aswam. Ido naperoko nges elomara...apedori amisiikin nueswamai ngesi, abu Emoyo Lokalaunan obongok kosodi atemar, "Kolot Shreveport, Louisiana. Elimokini ijo Ekabulesit nuebeit aswam."

Kosodi ngesi abunore ne, ebala ebe, "Mam eong amisiikinit nu; mam iswamaunar lem." Oo, ikatunga!

Ijari oni kotoma apaarasia nukawasia napeyapie abongun naka Ejakait.

20 Ikanisa ngin yenididi erai duc idis, lokopentekosit. Mam eong apeleikinit erionget loka Ipetekootin. Mam eong apeleikinit ngol. Konye, itunga luejaas kede aijen naka pentekosit! Mam Pentekosit erai erionget. Pentekosit erai naitori itunganan ajenun ngin naelosi da neejai idiotunganan yenekoto. Etulikit, Eyudayat, eyunan loitetet, Methodist, Baptist, "Idiotunganan kere yencamakini nges alomun." Erai nuiswamaikinos itunganan idiopet...Mam Edeke iswamanaros kede erionget, karaida Nges aiswamanar kede Imo kwape a-ateker arai itunga. Iswamararos Ngesi kede idiopediopen, "Idiotunganan yenekoto." Inyek eong arai loakwang, loirionon, lodos, loarengan; Methodist, Baptist, Protestant, Etulikat, nuerai ngesi kere, "Inyek nges kobu," idiotunganan kere. Eyalama eong noi ebe abu Ngesi ibwaik ngin kwangin. Eong...

Kwape abu ekesa ece kolimunio kane adiope pak, "Ejok do eong aipup Nges inera ngun itia anyara ekakiror, 'Inyek William Branham kobu,' 'naarai epedori kojaas luka Branham luedeparitos ediopet. Konye neatemara Ngesi ebe, 'idiotunganan kere,' ajeni eong ebe abu ngin kayanga eong."

Kwangin ngol nges eipone loipedoria oni kere aipup, "Idiotunganan kere yenekoto, inyek nges kobu."

21 Kwana, ajeni eong ebe ejaas itunga luipu idaritos kokinga kotoma ooterin ka aiboisio nueperio, luelomunitos airimor akwap kere. Iany ijo? Ejaas itunga ne luelomunitos ko Ireland ka aiboisio nuegelegela, idaritos airiamununeta kanukec nu. Konye mam eong abuni aitodolikin ngin kwape kwana. Akoto eong ainakin akapak nejai na, imisiikinit ijo.

Neabunio eong kotoma osapalin kalu, abuni duc eong abongunun ajaun-ajaun kede icetunganan yenijanakini eong mamake, naarai ericitos airimununeta nukec. Konye kwape kwana ejai oni ajalakin ngun

kanuka Na.

22 Kwana, ibore idiopetebon eroko oni egeuna kotoma Otabo kalo. Ageunet arai Ekanisa loka Pentekosit. Abu Ekanisa ngol loka Pentekosit kolom kinga kotoma apedor naka Emoyo kosodete aiwadik Eitabo loka Aswamisio. Kairimokinet kanakiareit, abu kogeu aijesar, abu Ekanisa korau lokaput. Aturi nakiareit naka Ekanisa, abu oraun clokaput neteni, konye Icofat ngin yenididi yen koPentekosit abu kinyikokite abunore, yenikomoyo. Kosodi alosit toma adoketait naka aturio nuka amuton, nuka ikar nepetai elukumit kede akwataongon ka icebore, nuka areo naka amuton. Abu ikanisa ngin yenididi yenatur naka Pentekosit inyikok aijar kitorite toma kangun. Eipone loabu ngol okuia ngun, mam ingisi eong. Arai akan naka Edeke, nges ibore idiopetebon yenapedori aiswamaun ngun.

Naarai, aponi kibubunokina kes kwap, kopirin. Kosodete alemunun ikiliok kosodete ayangaar kes aitobwo kapungurei, ido alemunun akito nueisitai kosodete aibubunokin akejekec, ka ainakin da itiang, ingokwo, ainyam kes kopurian, airiunun akecemoteka kotomakec, eroko ber kes etwaka da. Koyanganasi angor, atubonor ikecekisinga, kede imakaasin lukapolok koipone *kangol*, ikecekisinga lukoteten ido aibwo kosodete ainyein aokot ngun alele cut kinga, kiton akecejjar anyoun kamakec. Koyanganasi idwe kama ejaas nukatoto nuepotiete kosodete aitania kes ingokwo ka ipegei, kosesenete kesi ngul. Komitete araut Ekristayone; konye abala Ebaibuli ebe, ido abala Yesu ebe, "Apote aitodolikin ebe epote kesi aiyar yes, koomitos ebe ejaas aiswamaikin Edeke aswam." Ianyu?

23 Ido kwana abu ibore ngin koliau kiton atur ace. Kosodi kawasia abu kolomuni kinga. Ido kaanyunete oni ebe nealomunia ekanisa kinga kotoma aisiteteunio, abu kiriyar awai kosodi kiriyar awai, ageun kapak kangin, kosodi aikunyar awai kama ejai Emoyo, abu konyou awai kama ejai Emoyo, cut kiton atur na nakawasia neekapakinar aimorikikin kosodete aiswamaikin etiang aput.

Konye Emoyo ngol ebuni aijar kotoma otauon luka itunga kiton Yesu abunore. Ejaun kwangin. Ojeni ngin kotoma aomisiokon.

Ibuni oni ainomakin ngin toma amapun, alemun akiro nukolosek ka nginibore, kasodi aitodikin yes ebe erai cut becebec kwangin. Kolem ber ijo akiro nukolosek, ijo ilopet, kosodi aisiom ngin. Koany nuabala Ebaibuli, kosodi do nuebalas akiro nukolosek. Kosodi aanyun eipone loerucokinatar ngun cut becebec kede angin. Oo!

Enyekikis oni kereka ayangar na kwape aisisianakin, konye ayangasi oni aikwenyanareta nuka Emoyo kaiyapaara, kaiyapaara ka ailip, apaaran ka akuar. Mam icamakini idiobore kitikok jo ailip.

24 Ilomari oni toma, ebuni abokun aijar naka itunga kangul lukaumokin kokau kangina, eipone loapotu kesi koinakinotor. Ibuni ijo aanyun eipone loiswamator oni nuikidioko. Einakin it eong irumitos ileic kanukang icesawan, eipone loijaar oni kede nginibore kere kopatan, ido kojaas kesi kede nginibore kere kotiono. "Apotu kiiriata," abala Paul ebe kotoma Iburanian 11, "kotoma omukulen luka amerekekin ka imukulen luka akinei, kiticanai ka aisirieb, lukican." Inyobodo ebunio awokojenanut aibwo ilema nakec? Eipone ali ebunio ngin aibwo ilema ngun? Ido ejai oni ajaun kede nginibore kere ejok noi.

25 Kwana, cut kanuka ayongit, eroko oni epukoro Eitabo, epuda eong oni kere, luipedori, kabwaata apak edit kanu ailip. Kwana kede ainakina naka ekonitau, kiyengak akirot naka ailip kanu...neejai Edeke.

Ejakait Edeke, Ekasuban akuj ka akwap, Ekakoran loka Aijar naka Ikar Kere, ka Ekakoran loka ainakineta kere nuajokak ka nuitekoro. Ti isio ilip Ijo, Ejakait, nasodit, aitim isio kanuka anonokukosi kere, ka adikanareta kosi asurokin Ijo, ka asurokin idiopet kayenice ka itunga kwape kasio.

Apak na naka airiamun nepepe inyek bon araun naka aisinyikokin ikositaun, konye koraun naka aitacaun isio koipone kalo, kosodi aisinyokokin isio, kiton nakilosio isio alimokin luce. Koraun apak naka aititingikini bobo, aimorikikin kede Akuan naileleba naka Kristo ka akapakin kanuka Auruporio.

Papa Edeke, mere kanuka aipupuka elopet, ajeni ebe ebulesitikon, ka ibulesin ice kere, eraas lumam ilosikina kanuka epelu kalo lokapolon. Kwape imisiikina eipone loapotu itunga lukaumokin, luatuboros, koyangariata kotoma otauonocek aitam apukor Nu, arai alimun kotoma Apukokinio nakapolon; kwangin imisiikini do isio ebe, ideparit isio eipone loejaatar kesi, mam isio ilosikina. Konye Ijo nges ailosikina kosi.

26 Ido elipi eong, Papa lokotoma Akuj, ebe iswamauni Ijo ibore yenitegelikina apak na, ebe edumuni Emoyo Lokalaunan aiboisit nakapolon kotoma kangolitaun. Okep akituk nainera ka akii nuirarete. Ido naengetakinotor nu kere, kasodete isio aititingikin nu neijai Ijo, kanyoutu isio kokwap naka atunyuru naka etogo kalo, eneras ebe, "Ajok oni ajaut ngina. Abu Emoyo Lokalaunan kinerakinos kede oni napekiboio oni kangina. Ido kwana ilosikinit oni aswam nuipedori kere nape ecaete akimian nuka atiibong." Koinakinai ngin, Ejakait.

Kojaun, kotoma airiamun kana ibore, yenidupori ikiliok ka angor adongakin, kaitetus. Itonyou Ijo enerak kede angajepa, ekejulak angajepa. Itonyou Ijo ainakineta nuka aidwar. Itonyou ikalimonokinak, ikekok, ikalimonokinak, ka iceda, tetere Ekanisa isinyikokinio. Itonyou ikalimonokinak alosit omanikor

ngina kosodete aitolomun Eijiri lo lokaibuses. Kere nebuni Akirot alosit, kodo Ngin toma alupok nuajokak, kitolomutu araito akwatat, naarai iyuunit isio ebe ijai isio angeset naka atur. Eyapie amudiaro.

Koinak iboro lu, Papa. Aitelekarit cut, Ejakait, kotoma apak kana, ingarakinai eong, luka ipudesia. Naarai elipi eong ngun, kwape ainakina eong akaijar mamaKon kanuka aijanakin kana, Kokiror loka Yesu Kristo. Amen.

[Inera inac kotoma angajepa ace. Koinakini onac aijulunet-Ekewa.]

27 Edeke lokapedor kere, Loetajaruni Yesu kokatwak, iyalama isio noi ajenun ebe iboie Ekonimoyo akidingos kosi. Erai duc Ngesi lokabeit ido emamei akirot karaida adiopet namam erai nakabeit. Ido kwana, Papa, kiyatak aitogogong Akonikirot kwape kisiomia isio, kanuka Aibuses Kon. Ido ngolita, kwape kilimunitor Ijo, "Isikapikinos kosodete akapakin, naarai ebuni alomun icebore." Epedori araun ebe ijaunete itunga aikwenyaretekec nakawasia aibelokin kotoma oboro lu kwana iswamaete kesi, kiton orot lokadolit. Isiyalaminikini isio ijo, Edeke Lokalaunan, Kokiror loka Okokukon, Ejakait Yesu. Amen.

28 Apukor kwana Eitabo loka Apukokinio, esula losodit. Kwana, losodit, akoto eong aisiom ikokoron iarei lusodit.

Apukokinio naka Yesu Kristo naabu Edeke koinak Ngesi aitodikin ikebulesi nuibusakinit adoikin katipet, kitejen kanuka aijukar ekemalaika mama ejai Yokana ekebulesit,

Lokitejenuni akirot naka Edeke, ka ajenanut naka Yesu Kristo, kere...nuabu koany.

Isirerengitoi ngin yenesiomi, kangul da luepupunete akiro nuka adwarasit kana, ka luericete da nuwadikatai kotomakeng; naarai eapie apak.

29 Kwape alimunitor sek eong, kwana, kotoma kana kilosi oni aitam aijaikin abilibilio adiocar kwana naka Eitabo kalo, katupitosi akirosinei nukiswamasi kolosek ka acie da kwangin. Ido kanginipak naianyuniata yesi eong apukonori apapulai nnewadikat eong kane, eraas ngun nualementunit eong kamaka nuineritai ka acie da kwangin.

Kwana, ekewadikan loka Etabo nges Yokana, Yokana Lokalaunan loka Edeke, abu kiwadikak neejai aur nakoingaren (A). (B) Itebeikinitai nejaas imalaikan ikanykaarei luka apakio akanykaarei nuegelegela nuka atur naka Ekristayone, atur nageuni kapakio nuka ikiyakia kiton Abunore naka Ejakait. Kosodi e... kwana, etakanununete aturio kotoma aituputupeta, kanginidiopet, ageun neadokaria Ejakaitiwok kiton AbonguniKe bobo. Kangolikanisa itetemunitai kanuka ejauteneke lokomoyo. (E) Kanginikanisa epedori angoliar akekuan. Nginitur abu kora Emusabibu lokabeit loka Kristo, Abekot nakacoa. Ido nginitur abu kora emusabibu loeropitai, abekot nabang.

30 Ecamunitos ewadikak akiro nukolosek, erai na aijar naka Yokana. Abu Yokana kajar ikaruke lukawasia kotoma oibuga loka Epeso kosodi atwanikin ngina. Ajai ngesi apujan naka Patumo, kotoma apak naewadika ngesi Eitabo, Apukokinio. Mam arai awaragat naka akeijar, konye awaragat naka Kristo kotoma aturio nukoingaren. Ianyu? Arai adwaranut. Mere aijar naka Yokana, mere aijar naka Kristo, konye aidwar atur naebunit. Mam arai alimununeta nuka akedwaranut; konye, aitopolonoreta naka Ejakait, kaiyapara. Mam arai Apukokinio naka Yokana Lokalaunan loka Edeke, konye Apukokinio naka Kristo Ejakait.

Erai Eitabo lokawasia loka Aitutuket Nakitetet, konye inera ageunet ka angeset naka apak naka Eijiri. Kijaar ikesisiak luka Ebaibuli ecamanara.

Aponi kiwadikai ibaluan nejaas aturio akanykaarei nuka ekanisa, kotoma adwaranut, nejaas aturio nukoingaren. Abu Paul iwadik nuka aijar ka aibuses naka ikanisan ikanykaarei luajaas kotoma apakike. Abu Yokana iwadik nuka aijar ka aibuses naka ikanisan ikanykaarei koingaren, ebe ajai Yokana eneras kede ikekokok ikanykaarei araibo ikiyakia kwape kaitebeikin Ikristayon kere kokwap naka imalaikan ikanykaarei luegelegela.

31 Kwana, Eitabo loka Apukokinio, kwana ilosi oni alemun, kwape kitacaunia oni nu kanu atupuruc kana ka atibong na. Ido ibuni oni aitam alacakin isawan ikany arai ikany kede atututbet, kwangin, kasodete do bobo ageun atibong na osawa ediopet.

32 Kwana iboro luejaas toma osula lo. Ekokoro losodit, inera cut nuke elopet, naarai erai Apukokinio naka Yesu Kristo. Ekokoro lokiareit, Yokana Lokalaunan loka Edeke nges erai ekewadikan ka ebulesit. Ekokoro lokiuniet, kitijenarete arereng. Lokiwongonet kiton okokoro loikanyetekaape, ayongan mama ejai ekanisa. Ekokoro loikanyetekaarei, alimoret. Ekokoro loikanyetekauni Eidekeone lokapolon loka Ejakait Yesu Kristo. Loikanyetekaangon kiton ekokoro loka akaisarei, Aitapoet naka Patumo.

Ido, da bobo, lokitomonet ka luongon ka ekokoro lokitomonet ka lukany itetemunit akedokena akanykaarei nuka aibuses naka EtungananeKe. Oo, ibus nakianyunia oni Kristo kotoma adokenaKe nuka ake-...adokena akanykaarei nuka EtunagananeKe, kotoma Ajarunike naka aibuses.

33 Kwana, itetemunit akou naka akirot einono.

Apukokinio naka Yesu Krsito,...

Mere apukokinio naka Yokana Lokalaunan loka Edeke, konye Apukokinio naka Yesu Kristo, Okoku loka Edeke.

Kwana, akirot naka Iyananin kanuka *apukokinio* erai *apocalypse*, naerai akepolou 'apukorio.' Ido abu eong alemun akirot ngin kasodi aingic ngin. Erai akepolou, *apocalypse*, nges...Kwape nat ekekeon aputosia, eswamau aput nakapolon, ido erapit ngesi ngin kede aimukoret. Kosodi do ngesi alosit kosodi aicilar aimukorett na kosodi apukor nuejaatar ngesi kau naka aimukoret. Erai apukor.

Ido mam Eitabo lo erai apukorio naka, nuipu, Etunganane loka Yesu Krsito. Konye, kaitebeikin inera nuka EdekeoneKe ka adokena akanykaarei nuka EtungananeKe, kosodi da bobo nuka iboro luerai Ngesi, kwape Esasedoti, Ekabaka, kacieda. Konye erai apukorio naka aswamisiioKe nukoingaren kotoma aturioKe akanykaarei nuka ekanisa nueponitos koingaren. Ngin...

34 Apak najaar Ejakaitiwok toma akwap, apotu ikiyakia ingitata Nges, kosodete atemar, "Ejakait, ibuni ijo kotoma apak kana ainyakakin akabakanut Israel?"

Kosodi Yesu atemar ebe, "Mam erai nakus aijen esawa lo arai apak." Ido amamei idiotunganan yenapedori ajenun. Ebalala ebe, "Karaida Okoku," ber, "mam ajeni."

Konye akaulo naka Aketwanare, anukio, ka ajarun, ka adokar toma Aibuses, abu Ngesi kijau kama ejai Edeke iingaren naka Ekanisa. Kosodi Ngesi abongun, ayangaun Aisiiraret nejai Ekanisa, ka Aisiraret na naka Akebongun ka ejautene loka Ekekanisa anatar Atur kere.

Mam Nges apedori aswam ngun eroko Aketwanare, anukio, ka ajarun, naarai mam ber Nges ajenunit ngin. Konye imisiikinit ijo eipone loesiomar Naiwadikatai kane?

Apukokinio naka Yesu Kristo, naabu Edeke koinak nges (Kristo),...

Eipone loabu Edeke Papa koinakinia Apukokinio nejai Okokuke Yesu Kristo. Kosodi Ngesi aijukun Ekemalaika nejai Yokana, aitodun iboro lu luajaas; luajaas, luejaas, ka luepote ajaun. Oo, esipokinitai ibusiak noi!

35 Kwana, kotoma atur kana napolon naebunit naabu Yokana koany! Kwana, nu, aponi koinakinai nges Apukokinio, kanu apukor alosikinet naitegelikina naka Yesu Kristo, nuebuni Ngesi araun ka aputor, kotoma nginitur. Ngin nges apolou nabalar eong, atupuruc na ebe, itasalik akoniomisio toma Okanisa lokabeit. Abu Ekanisa lokabeit ogear kotoma Apaaran naka Pentekosit.

Emamei ekesisian akiro nuka ediini, ekesisian Ebaibuli, araibo ekewadikan akiro nukolosek, loepedori alimun ebe abu kogeun kotoma apaarasia nuka Martin Luther, Wesley, atur naka Atulik, arai atur ace kere. Abu kogeun koPentekosit. Ngin nges aitegeario naka Ekanisa. Ngin nges arai ageunet. Kwangin, kanuka ngun, kotoma aimor kede idiotunganan, kobwo

kotoma orute loka Pentekosit, ido mam kes epedorete alosit nenice kere.

36 Kwape bala aibwaikin ipoo amisiri. Ijeni ijo nejai nginipany kere, kosodi ijo aitobwoun ngin. Ejai abongun bobo kiton aiboisit ngipengin naalomuna ngesi.

Ijeni ijo, ngol nges eipone, idiotunganan yeninera nuiakmunitos ikanisan ka aturio nuka ekanisa, ka aswamisiio nuka Emoyo Lokalaunan, ejai ijo abongun kiton nejai nageunet, ageunet. Ejai abongun kiton nen naarai erai Edeke Loemamei ageunet ka esange, ido Opedor kere. Kanuka ngun, kwape eraar Ngesi Loemamei ageunet ka esange, mam Nges epedori aswam icebore kane, kosodi bobo aswam icebore yenitegelikina kede ngin, kalailo. Ejai Nges aswam nginipak kwape abu Ngesi kiswamator ngin irwan nasodit.

Kwape abalar Petero, kotoma apaaran naka...Neapotu Imo kodumuniata Emoyo Lokalaunan, abu ngesi kotema ebe, "Oni ipedori aisimik akipi, kwape kianyuna ebe adumutu kesi Emoyo Lokalaunan kwape apotu oni da kadumuniata kageunet?"

37 Yesu neajaar Ngesi toma akwap, abu kiner kosodi atemer. "I..."

Abu icetunganan kobu kosodi atemar ebe, "Ecamakinitos kereka ikisila etunganan ainyein akeberu kanuka akirot kere?"

Kotema Yesu atiar, "Ngol loasubi yenikiliokit, nges asubi yeniberu. Kanuka ngun nges elosio ekiliokit..."

Kotema ebe, "Konye abu Musa kocamak isio aiwadik ibaluan luka aitwar."

Kotema Yesu atiar, "Mam arai kwangin kageunet."

Kobongosi ageunet. Kanuka ngun, arai ilosi oni einer nuikamunitos atur naka ekanisa, ibusakinit oni alosit ageunet, acakar awai nginilimunit naelimunit idiotunganan kotoma atur.

38 Lo nges Eitabo lokapolon kakere adepar edio Eitabo kotoma Obaibuli. Lo bon nges Eitabo loabu Kristo ibwaik Akeipucet toma. Egeunit kede arereng kosodi angetakin kede ekenit. "Isirerengitai ngin yenesiomi." Ido, "Ikenitai ngin yenelemari idiobore kotomaKe."

Ngol bon nges Eitabo loabu Kristo iwadik, Elopet, kotoma Obaibuli kere. Ikisila itomon, abu Ngesi iwadik kede Ekebokorit. Edolit ngin. Apotu Iyudayan kodongakinos nejai ngin. Ido, lolo, erai Apukokinio.

Ido arai engara Satan Eitabo edio kotoma Obaibuli, erai Apukokinio. Ejaas iarei...Engara Ngesi Naiwadikatai kere, ido erai ekisil kere loka Naiwadikatai. Konye, arai ejai idiobore, yenemwangit ngesi noi, nges Apukokinio ka Ageun. Naarai Ageun inera nuka ageunet. Apukokinio epukorit nuelosete aismawain nges kotoma apaaran nakawasia. Elosio nges aiyen ikar elukumit; kosodete nges, ka enabi lokengalat, ka etiang, elosio acakakin, kojarete, toma Angolol naka Akim.

Ido ebuni ngesi asurokin Eitabo loka Ageun kanu araut loitodunit abeit. Ebuni ngesi atemar, ebe, "Mam erai loinera abeit." Ido ebuni ngesi aigurwokin aomisio nuka itunga. Kosesen neeperio ajokit, Eitabo ngol loka Ageun arai Eitabo loka Apukokinio, losodit ka lokawasia.

39 Kosodi Eitabo loka Apukokinio ejaas kede ijenuneta luipu kotomake adepar luce Itabon kere kotoma Obaibuli. Ejaas kede ijenuneta naarai erai Eitabo loka adwaranut. Erai Eitabo loka aidwar. Kanuka ngun erai atukot naka adwaranut nges emisiikini. Mam Eitabo lo epeleikintai kanuka ngitunganan. Emamei itunganan yenepedori amisiikin ngol, kapatan. Iswamaunitai Eitabo lo kanuka atukos ace naka itunga. Kalaije kotoma Okisila, ebalala ebe, "Iboro luibwaitai eraas luka e-e-e-Ejakait." Edolit ngin. Ido epukokini Ngesi mamawok, Ikedwe, iboro luibwaitai. Kwangin mam ngin elosi...

Mam aijen naka etunganan epedori amisiikin iboro ngul lukaumokin luka Naiwadikatai, naarai erai abanganut kanekec. Konye nejaas ngul lueraas lueminas Akirok naka Edeke, ngul luewadikaikinitai Eitabo lo mamakec, nejai Ekanisa. Apukokinio naka Yesu Kristo, "Nejai Ekanisa loka Epeso, nejai ekanisa loka Sumuruna, nejai ekanisa, nejaas ekanisan," iingaren kijesun kwap. Apukokinio naka Yesu Kristo nejai Ekanisa. Amina eong ngin.

40 Ido komisiik, erai da bobo angetakinet kaNuiwadikatai, angetakinet nakawasia. Ido ibwaikinitai cut aibecokin toma aiboisit naedolit, angeset naka Ebaibuli. Apukokinio naka akiro kere ibwaikinitai kau ne kede arereng nejai yenesiomi Ngin ka airar Ngin, kede ekenit nejaas ngul luiyatakinete tomake arai alemar. Erai ekisil loileleba, oo, loengetakina. Ido naetamia etunganan alemar idiobore awai kama ejai Ngin, arai aiyatakin idiobore toma Ngin, abala Edeke ebe elemari Ngesi atutubet ngipengin kotoma Oitabo loka Aijar. Ianyu? Elemari Ngesi atutubeteke kotoma Oitabo, arai abu ngesi iyatakinite toma Ngin.

Kanuka ngun, nakianyuna oni aiyeyea naka Apukokinio naka Ejakaitiwok, Loerai Ngesi, nuera Ngesi, arai iyataki icetunganan idiobore nejai Ngin araibo alemar idiobore awai kotomaKe, erai adwaranut naka aingal. Atamata luipu atemar ebe ajaatar kesi ibore yenokau adepar Ngin. Konye Ngin nges Apukokinio naileleba naka Ejakait Yesu kotoma atur naka ekanisaKe ka kotoma Apakike, Apukokinio naka Ejakaitiwok.

Kwana-kwana, Apukor, akirot naka Iyonanin, ibore yenebwaitai, apuk-..."apukor" Kristo.

41 Kwana, ekokoro loetupakini, ianyuni oni ebe, kotoma okokoro loiyareikini.

Ekokoro losodit epukorit Kristo, Apukokinio, arai angaar. Oo! Eipone atur nakawasia ka Abunore naka Ejakait a...arapap, nejaas ikiyakia! Apotu kesi ingitata aingiset, konye ediopetebon abu ojar kiton aanyun Apukokinio. Ido da, mam nges abu omisiik ngin, naarai mam ber eswamatai akiro nukolo.

Kwana, akiro nukolosek nuka Eitabo kalo, arai apolou naka akiro nuka Eitabo kalo, etebeikinitai nejaas ikanisan ikanykaarei kotoma Asia Nadidi, narai apaarasi ngun. Etebeikinitai nejaas ikanisan ngul ikanykaarei. Ajaas ikanisan luepu adepar ikanykaarei ngul, kotoma apak ngin. Konye nginidiopet kotoma okanisan kangul arai loapol kanuka epitene loajai okanisa ngol, luabuni atupakin ngol cut kiton atur, epitene loka ekanisa kangol. Kwape Epeso, ajaatar kede eipone. Sumuruna, Perugamo, ido kiton kwap, Piladelupia, ngolidiopet kotoma okanisan kangul ajaatar kede eipitene kotomake, loabuni atakanun bobo kotoma aturio nuaponitos.

42 Oo, karai bon ijo...

Ediotunganan epedori aanyun aswamisioit nakomoyo naka Nuiwadikatai ido epedori atemar ebe mam kes enyonyoikinitai? Aswamisio kon akulepek, alosikinet alopet, apeleikinet alopet naka itunga, inyobo, itotogogongorit ebe inyonyoikinitai Nuiwadikatai, asesen eipone loibwaanakina Edeke iboro ngul. Nuiswamai ijo, kane, erai aitupuset naka icebore.

Kwape Aburaam einakini Isaka, okokuke ediopetebon; aitupuset naka Edeke einakini Okokuke, ikar akwat ekaulo. Eipone loagwelarere Yosep kosodi kotoma ojera, olaitos ikeinacan ido komina Papake;

Yesu, kotoma aitupuset. Eipone loabu Emoyo iswama kotoma Yosep, etunganan, ido kapatan itupusite aijar naka Yesu Kristo, kaitekoro. Eipone, loabu Daudi, abu Okoku loka Daudi iboikin moru ngopengol. Neaponi kogirere Daudi kwape ekabaka kosodi alosit kuju moru, Moru loka Iseitunin, kongolia kau, komonyi, kwape ekabaka loengeritoy; ikar akwat adis akaulo kangun, abu Okoku loka Daudi kodoka moru ngopengol. Kwape Ekabaka loengeritoy, kosodi aimony kanuka Yerusalem. Emoyo kotoma aitupuset ka ejautene.

43 Oo!

Kwangin ijo ipedori aanyun Ekanisa lokapolon lo Pentekosit kotoma apak kana nakawasia? Ijo ipedori aanyun eipone loabu Edeke itegeara ngin kotoma apaaran naka Pentekosit? Ekoto Emoyo ngol osalak toma Okanisa anatar aturio kere.

Apotu kesi korautu erionget ka lujalijalas. Ajai kes ajaun kede erionget. Ajai kes aisimorikikin ekanisa ka akwap nepepe, ido apotu kesi ongetakis aiswamaun ngun kosodete ayangaun ikar akwat luka areo. Kosodi do, aisiteteunio, apotu kesi kolomutu kinga. Ido kangolika, ajaas kesi elemanarete kotoma Omoyo ido kiyatanakinete toma akuan, awai naka Emoyo ido iyatanakinis kotoma akuan, kiton kwana ekapakina kesi aswam ngun bobo. Ijari oni kotoma lukawasia lu, isawan lukawasia, angetakinio naka ekanisa. Ijai oni toma Piladelupia...arai Atur naka Ekanisa loka Laodesia.

44 Kwana, esula losodit, ekokoro losodit, aponi kitejenikinai nejai-nejai Yokana. Kwana, ingaibo ekewadikan? Yokana. Yokana. Mam arai apukokinio naka Yokana, ido ijani oni ebe mam arai, naarai arai Apukokinio naka Ejakait Yesu Kristo. Arai Ngesi, aponi nges kosekunai kwape ekesisian. Ido Eitabo elopet nges epukori ibore yenarai ngin, Yesu Kristo, nejai ngin yenajai Ngesi apukokin.

Ido aponi ijukarai nejai e... "Kosodi aitodun na nejai Yokana kede ekemalaika nejai Yokana." Mam oni ijani loarai emalaika. Konye ijani oni ebe arai enabi, naarai abu Ebaibuli ekaulo kolim, ebe, "Eong Yesu Kristo ejuk ekamalaika atejen iboro lu luibusakinit aitodolikin katipet."

45 Kwangin idumuni do oni ebe neageuna Yokana aima emalaika, abu emalaika kotema ebe, "Koany ebe mam ijo iswamai ngun." Apukokinio 22, acamunit eong ebe erai. Kosodi ngesi atemar ebe, "Naarai arai eong abulesit loka aupakon ka loka inabin." Epedori aticepak arai Eliya. Aticepak arai ediopet kotoma onabin. Arai Yokana ekiyakia. Konye enabi ejukunitai.

Kosodi Yokana, kwape araar ekiyakia, kosesen eipone loka luce ibaluanake kere, kitogogongit ebe mam arai Yokana nges ewadikai ngin, naarai emameotor eipone kwape kaloka Yokana. Kolem Yokana losodit, Yokana lokiareit, kaiceda, kosodi aisiom. Kosodi asesen eipone loka ngul, kosodi asesen eipone loka lo. Arai Yokana ekewadikan ido arai ekiyakia, konye erai lo emoyo loka enabi. Erai etunganan loitegelikina, cut. Ianyu? Mam arai aiwadikaet naka Yokana. Mam arai apukokinio naka Yokana. Arai Apukokinio naka Edeke naka Yesu Kristo nejaas ikanisan. Ido ajaatar...Arai bon Yokana lokewadikan, ekewadikan, ido-ido itejenarit Eitabo ngupengun.

Kwana, mam ewadikaikinitai nejai Yokana. Ewadikaikinitai nejai Ekanisa. Eebo. Arai Yokana, kotoma apak ngin, ekecokon loka ekanisa loka Epeso. Ido kwana Eitabo iwadikaikinitai nejai Yokana...arai nejai ekanisa, mere Yokana.

46 Kwana ekokoro lokiuniet, kolimori Ngesi arereng. Kopupok nu.

Isirerengitoy ngin yenesiomi, ka ngul da luepupete akiro nuka adwarasit kana, ka luericete da nuwadikatai kotomakeng; naarai eapie apak.

Anibo apak naeapie? Apak naiswamaunotor iboro lu, naengetakinor Apukokinio na naka Yesu Kristo kotoma nginitur naka ekanisa.

Kwana apolou naewadikaa Ngesi ngin koipone kalo. Karai ti Ngesi kotemarite ebe, "Ijani ijo, kwana, Ngesi..." Amootos kwi Ngesi da; korai ti kopukoritete, korai Nges...kopukokinitete nejai Yokana, ebe alosi Ngesi abunore katipet napekengetakinis ikanisan ngul kangina. Ngol nges eipone loaomitor Yokana ngin. Konye korai ti kwangin, ikanisan ngul, katipet napekengetakinis kesi, opote kesi...Korai ti ngesi kojani, korai ti kopukokinitete nges ebe alosete ajaun aturio akanykaarei nuka ekanisa nuaojak, ikar ilukumin luipu, arai ikar akwat nuipu, akepolou amamei do ti ajokis naidareikinit. Ti do kes ejarata angetakin akecetur.

Kanuka ngun, abu Edeke iner ngun, ido mam aponi kopukokinai mamakec. Mam aponi kopukokinai nejai Martin Luther, iboro luajeni John Wesley nuekamunitos Naiwadikatai. Mam epokokinitai luka Baptist, nuejenete luka Pentekosit nuikamunitos Naiwadikatai, naarai ejai toma atur naitegelikina. Erai apak naitegelikina. Ido epukori Edeke Ikeboro kotoma apak alopet. Oo!

Mam ijo ipedori airaikin emudunga kotoma apak naka aiporo kosodi aisak kotoma apak ngipengin. Iraikini ijo ikinyomit kosodi apoloor kiton ationore. Iraikini Edeke Akekirot ido enyanyaar Ngin cut. Ido

ingoliari oni kau kasodete atemar ebe, "Ajai Ngin ngina." Inyobo, abeit cut, kianyuni oni Ngin akaulo naepukorere.

47 Kwana, "Isirerengitai," Akirot, alimoret naka arereng, kotoma okokoro lokiuniet, "nejaas ngul luesiomete arai aiirar aiyeiyeake."

Aitaraun...aijen naka etunganan itukurwori ngin, naarai mam aijen naka etunganan ejeni idiobore yenikamunit ngin. Komam abunokin mam aijen naka etunganan ejeni ngin, naarai erai Satan kotoma aijen naka etunganan. Ido isideleleunio Satan, ido mam Satan ekoto aisideleleunio.

Imisiikit ijo eipone loeraar ibore yenerono noi kanuka Satan naeomitor ngesi ebe elosio aisideleleun nges? Kosesen adiopot kotoma aijanakineta. Kosesen aswamisisio nuka itunga. Kongic ijo, kotoma airiamun. Nape eapie Satan aisideleleunio, kanejai icetunganan, ipedori ijo aanyun ekecereet ijulakin. Itei ijo, mam kes ejenete nuebeit aoomoom. Katipet, kijesun Emoyo Lokalaunan kosodi aisideleleun ajokit ngin. Oo! Elait ngesi eipone kairiamun kwape kangin. Ngin nges apolou nakijaatar oni kede ejie, naarai isideleleuni Akirot naka Edeke ajokit. Ianyu ijo? elimuni nuerai ngesi.

48 Bala ijo atemar ebe, "Aberu na iboie kane," kokwap naka ainyonyoikinio naka Emoyo Lokalaunan, atemar, "Ekekiror erai Jones. Ebunit ngesi kane ikoni ne." Inyobo iswamauni ngin? Edakuni ngin ekemoyo, aikeun kuju kiton adoketai.

"Koipone ali ijenuna ijo eong? Mam etunganan ngol ejeni eong, kwangin ekoto do korai ecemoyo. Eipone emoyo enyoin ngol?"

"Erai Emoyo loka Edeke."

"Koipone ali? Inyobo ationis ejai kede eong?"

"Ijaatar ijo elwera, engoti," idiobore kere yenerai ngin, "konye EBALA EJAKAIT KWANATA..."

"Oo!" Oo, eipone loelaitor Satan ngin, naarai isideleleuni Ngin nges.

Kwana, engoliari aijen naka etunganan, kotemari ebe "Aisiom aomisio, atolitolikina naka adam." Mam kes ejenete. Erai abanganut nekec.

Konye nejaas ngul luejenete nuerai Ngin, oo, erai lolo arereng biai! Inyobo ngin? Apukokinio. Apukokinio nakangai? Naka etunganan kaloebwoi kotut? Naka Yesu Kristo kotoma atur nakawasia, epukor Elopet kwape abu Ngesi kisumunikinitor ebe ebuni Ngesi aswam ngun. Ianyu?

Erai apukokinio, itei ijo, ido engara Satan ngun. Ikatunga, eipone loengarrar ngesi ngin! Isideleleunio nges, isideleleuni akeinapeta. Engara Satan Apukokinio kede Ageun, ewadikat eong ne. Erai ngin cut nakabeit.

Kwana, inyobo engarrar ngesi apukokinio? Inyobo esurwokinitor ngesi apukokinio? Erai naarai ekisil kere loka Akirot naka Edeke ka Ekanisa loka Edeke edukokinitai cut toma apukokinio.

Mam cut ebuni araun kotoma osomero, mam ace isomeron imwasi ai luejokak kijaar oni. Ejaas kesi kau cut toma atur naka amuton. Ebaibuli kede Ekanisa erai cut kere apukokinio.

49 Apukosi ber oni, kijaar eong ice ikokoron iwadikatai ne, Matayo, esula lo 16 ka ekokoro lo 18. Aanyutu ber oni mot-mot kotoma Matayo 16:18, aanyutu neebalar Naiwadikatai, nakeraar apukokinio. Napebuni komoru, ekokoro lo 17.

Kobongok Yesu kotema atiar, kisirerengitai ijo, Simon Okoku loka Yona: naarai mam akuan ka aokot kipukokinito ijo ngun, dimarai Papaka loejai toma akuj.

Eong da kalimokini...ijo ebe,...irai Petero, adukokini Eong ekakanisa toma atiida na, ikirigin da luka okatwak mam ipikorete.

50 Kwana, ebalala ekanisa loka Atulik ebe, "Abu Ngesi kodukok ngol nejai Petero." Eebo, ebe, erai ngin cut kabeit aoomoom naka etunganan. Mam ijo ipedori aomit ebe ti aomisio nukomoyo kecamutu ibore kwape kangin; kwape Edeke, kede Okokuke Obe ebwoi kangina, kosodi kereka adukokin Ekanisa nejai ibore yenitai, yeniduc, etunganan loeurunitai kotoma adiakar. Abu etunganan ngol kitogogong ngin. Nges, kede emoyo ngopengol kamake, abu ngesi iken Yesu kosodi ainger Nges koingareneke cut. Mam arai Petero.

Araibo, mam arai karaida a-atiida naperi kangina, kwape ebalatar icekanisan ebe arai. Mam arai atiida. Naarai, Petero...

Atiida naenera Ngesi nukeng kangina, mam arai Petero, mam arai karaida Nges elopet.

Kwana, itunga luka Protestant luipu etamitos atemar ebe, "Arai Yesu. Ebe arai Nges abu Ngesi kodukok Ekanisa toma. Nges! Mam, ibucara ngin da. Arai imisiik ijo, mam arai Yesu, karaida Petero. Arai

apukokinio.

Mam aokot ipukokinito ijo nu, konye Papaka loejai toma Akuj Nges iswamaik ijo apukokinio na.

51 Koany. Akoto eong aingit yes. Kotoma omanikor loka Eden, amameete Nuiwadikatai nuedadikatai ber. Kosodete do itelepai iarei, Kain ka Abel, ido akotosi kesi kere iarei ainakin asubanit kosodete adumun asianut akonyen nuka Edeke. Nakeswamata kesi kwangin, apotu Kain kede Abel kodukoto etem; abu Abel koduk etem. Eebo, arai erai kere nuipuda Edeke kesi ngun, ti do Edeke eraun lomam edolit kanu atubokin Kain. Eebo. Kosodi Kain ainakin asubanit; Abel da kwape kwangin. Kesi iarei kere apotu koinakisi asubanit. Abu Kain koma, ka Abel da kwape kwangin. Abu Kain iswama nginibore kere yenabu Abel iswama.

Kwangin arai erai alosit okanisa, ajaun okanisa, ainanakin asuban, ka ailip, ka aima kes ngun bon nuipuda Edeke, kwangin ti do Edeke eraun lomam edolit kanu atubokin Kain kanu aswam becebec nuabala Ngesi aswam.

52 Konye, itei ijo, abu Abel, kede apukokinio, abu ngesi kojen ebe mam arai araito nges abu itolom kes kinga naka emanikor loka Eden, kwape eomitor aijen naka itunga lolo. Abu Abel kobu kosodi ainakin araito naka akwap, kosodi Edeke ainger ngin, konye aponi kopukokinai...Apeleikinit eong, Kain abu oinak, itimoi eong. Kain abu koinak araito naka alup naarai aomit ngesi ebe ngin nges abu itolom kes kinga naka emanikor loka Eden. Kosesen apukokinio ngin. Kosesen amamamus acamanar naejai kede ngin. Kosesen eipone loimusungia ngin lolo. Konye mam arai araito nges abu kitolom kes kinga. Mam Keba abu konyam apples. Ejena. Eipone ali ajenuna ngesi ebe emujalal, arai erai ainyam apples? Kerai naekamanara kede aijar naka adoteu. Arai kwangin!

53 Kwana, ilemuni oni ngin kwape aisia, ido ejai oni, abongor tomake. Emameotor kesi karaida ekokoro ediopet.

Ice kotoma kakesi ebalas ebe, 'Ijeni ijo, abala ngin ebe, "Adum eong etelepata kama ejai Ejakait.'" Eebo, ipa. Kwape kwangin abalar amalayat da. Edeke nges iswamai aijar kere.

Konye erai kereka aijar naitapaaritari. Kosesen ber ijo eipone loka etelepata kangol. Arai ngesi loka papake, ajokit; elait, loeninik, ekaaran. Ianyu?

Kosodi eipone loabu Abel, neapotu kesi...aticepak apotu ikeuriak kolimokisi ngesi ebe-ebe ajaatar ikito araito tomakec, kaceda. Konye, aponi kopukokinai Abel. Abu Abel kolot kosodi alemun imerekek, kanuka aokot, alemun aijar. Mere ekitoi loka araito, ayangaun apples kede etaget ka araito naenyaritari pears. "Konye Abel kanuka apukokinio nakomoyo," Iburanian 11, "abu koinak Edeke asubanit naetelekarit kajokis. Edeke einakini ajenanut kanuka ngin, naarai aponi kopukokinai nges kanuka aiyuun."

54 Nen nges abu Edeke kodukok Ekekanisa. "Mam aokot kede akuan ipukokinitos ijo nu." Mam ijo isisiaunit Ngin kosomero loka ediini. Mam icetunganan abu kisisianak ijo Ngin kanenice. Konye PapaKa loejai toma Akuj nges ipukok ijo Ngin." Kanen, nginibore kere erai kotoma apukokinio, Ekanisa kere, "Toma atiida na adukokini eong Ekakanisa."

Ipedori ijo ayangar nuebala ekekokon. Ipedori ijo ayangar nuisisianakini esomero loka ediini. Ipedori ijo ayangar nuebala ekanisa. Ido mam edolit, ber. Aticepak ipedori ijo aitetemun ngin kede acoa kere. Konye kiton neepukokina Edeke ngin mamakon ebe Yesu Kristo nges Okokuke, ido itajaritari ijo kotoma AokotoKe; toma apukokinio ngin, ebe, "erai Ngesi EketajaraniKa."

"Toma atiida na adukokini Eong ekanisa, ido irutei da luka okatwak mam ipikorete."

55 Aso nen do nges ianyunia ijo apolou naengarar Satan Eitabo loka Apukokinio. Idiobore yenepukoritari, apukokinio nakomoyo, elait Satan ngin. Ngun nges elaitor ngesi aijaanakin lolo. Naarai, inyobo ngin? Apukorio naka Kristo.

Inyek ekanisa kolot iingaren kede ikediinin ka iriongeta, kede akeisiranareta nuitapapanitari kaceda. Kinyek kes kolototo ngaren, mam Satan epodokinit ngun. Emamei kes ationis. Kanginitunganan kere isiyalamikinit kes.

Naedolunio apak naebunio Edeke, kotoma Omoyo Lokalaunan, apukor Kristo bobo kotoma Okanisa, kede apedor ka aitodianareta nuka aitangal lukadekak, kosodi ainakin aanyununeta nuabala Ngesi ebe apote atupanakin ikeyuunak, aitodolikin, nen ibelokin do Satan koitaadake. Iswamauni ngesi icebore kanuka ngin. Kiton apak ngin, mam Satan epodo arai etia ekanisa ai loilomari ijo toma. Mam nges epodo arai etia ai. Konye epukoki Kristo ijo ebe erai Ngesi okoku loka Edeke, ido aswamisio nueswamat Ngesi iswamai ijo da; mere aswamaisio ace, konye aswamisio ngupengun.

56 "Ngin yeniyuuni eong..." Yokana Lokalaunan 14:7. "Ngin yeniyuuni Eong, aswamisio nueswamai Eong iswamai ngesi da. Aswam aswamisio ngupengun, ka nuepolok adepar nu." Naarai, mam Kristo apedori alimonokin aibatisao naka Emoyo Lokalaunan, abuni apoloor adepar. Mam Nges apedori ayangaun ngin mamakec, naarai mam ber ainakinitari Emoyo Lokalaunan. Konye neabu Yesu kobunio kosodi ainakin

Akeijar, kosodi Emoyo Lokalaunan abongun, kwangin apedorete do kesi ainakin Aijar nejaas itunga. Ngin nges "epol kakere."

Konye aanyununeta ka nukaukokin, abu Yesu kolim kede apipil, kotoma Marako 16, "Kototo yesi akwapisinei kere, kolimonokis nginisubat Akiro nukajokak." Asangakin ai? Akwap kere. Imwasi bo ai? Kanginisubat. Bon ebe elimonokinio Eijiri, etupanakinete aanyununeta ngul luiyuunete. Ido nakeraunor ngin apukokinio, onac, iyapie do ijo kotoma Akabakanut. "Toma atiida na adukokini Eong Ekakanisa, ido ikirigin da luka okwatwak mam ipikorete ngol."

Naarai, aberu arai ekiliokit loejaunar toma amoding ngin nges bon, kwape ajaar Musa, kosodete aitodikin nges apukokinio naka Edeke kotoma Omoyo Lokalaunan, emamei ibore yenedepori aijangijang nges. Erai do ngesi loesipo ido ogogong kwape kepedoria ngesi.

Engara Satan Apukokinio. Mam nges emina ngin, cut; emunari akeinapeta.

57 Eipone loka Eitabo itodunit ebe mam arai Yokana ewadikat ngol. Edolit ngin. Naarai eraas kesi-eraas kesi kanuka ace...Eraas akewadikaeta, konye mere akeinyonyoikinio. Erai ainyonyoikinio naka Edeke nges iwadikai Eitabo. Edolit ngin.

Aanyutu ber oni nuinera kwana.

Isirerengitoy ngin yenesiomi, ka ngul luiirarete...adwaranut na, ka luericete iboro luiwadikatai tomake: naarai eapie apak.

Kwana, "Eapie apak." Inyobo? Apak naitejenunere Apukokinio naileleba naka Yesu Kristo nejai Ekekanisa. Ido kwape ketubonoroto aturio, erai apukokini mamakec.

58 Kwana ijai oni cut awasia naka apak, kwangin do kwana ijai do oni cut awasia naka akwap. Ijai oni toma angetakinet naka akiro nuka akwap. Ido naperoko esabiiti lo kengetakina, ido kojai Edeke kede oni, kingarakinite oni, ibuni oni aitogogong ebe ijai oni angetakinet naka aturio nuka ekanisa. Ijai oni toma Piladalu-...arai Atur naka Ekanisa loka Laodikia, angetakinet naka aturio kere. Ijai oni toma angeset naka akwap naka eipugae. Ijai oni toma angeset naka-naka akwap naka etunganan. Ijai oni toma angeset naka iboro kere. Ijai oni toma angeset naka iboro kere luka akwap, ekapakina alomar toma.

59 Ajai eong abuni apaaran kaya, acamunit eong alosi eong Shreveport, arai abuni kanenice. Abu eong asesen. Abu eong atema ebe, "Ejaas ikito atwakare. Ejaas akwi atwakare. Ejaas aturo atwakare. Ajai eong atwanare. Ejai akwap atwanare. Ejai nginibore kere atwanare. Kanginibore kere yenejai toma akwap ejai atwanare." Iboie oni kane atupuruc na, ajaas atwakare.

Abeit cut ejai akwap nenice, namam nginibore kere etwania. Arai ejai naetwakiata iboro kere, ekoto kojai naejariata iboro kere. Ngin nges naidarit oni kere, adolore toma aboisit ngin naejai...neebwoatar ikito lumam etwakete. Oo, neraar nginiibore kere yenimam etwani ido kobwoi kotoma aibuses naka-naka Edeke.

60 Kwana, kwana, ikokoron iuni lusodit lukidau oni kwana, apesikin apetetait. Losodit, "Apukokinio naka Yesu Kristo." Lokiareit, "Emalaika nges ainakini Yokana Nges." Kosodi lokiuniet, erai, "Isirerengitoy, arereng nejaas ngul luesiomete, kosodi," arai mam ijo ipedori aisiom, "isirerengitoy ngin yeniirari." Ijo mam ipedorit aisiom? Opup ijo aipup. Odaun. "Isirerengitoy ngin yenesiomi, kosodi," arai mam ijo ipedori aisiom, "isirerengitoy ngin yenepupi, naarai eapie apak."

Kwana, koomoom ber ijo nuepeleikinit aiwadikaet na, nges ebe, Yokana, ekewadikan kangina, kotoma aiwadikaun ngin, ajai... Erai lo Yokana kane, inera ebe, "arerengusio" kaceda. Nuaomit eong ebe arai ngin, kotoma Atutuket Namojong, anyouni esasedoti aibwo tupuruc kosodi aisiom Nuiwadikaere. Kopupokinite esipan. Luipu mam apedorete aisiom. Aso atemari ngesi ebe, "Isirerengitoy ngin yenesiomi, ka ngin yeniirari." Ianyu? Yenesiomi ka yenepupi; yenesiomi, ka yenepupi, isirerengitoy. Kwangin arai iboikin ijo kosodi aipup, isirerengitoy ijo. "Isirerengitoy ngin yenesiomi, ka ngin yenepupi, naarai eapie apak."

61 Kwana, agear 4 kiton 6 ayogan neejai Ekanisa. Kwana ikoto oni aimor lo 4 ka lo 6.

Kwana, eroko oni etiroria ngin, akoto eong nginitunganan aitam aomoom noi kwana. Inyobo Ngin kwana? Erai Ngin apukokinio naka Yesu Krsito, neabu Edeke kolemara aigalisit awai kapak kangin. *Na* nges apak, namam Yesu abu kopedo aanyun neajaar Ngesi ne toma akwap, aturio nuka ekanisa, nuapote aiswaun. Kwangin, abu Edeke kolema aigalisit awai, abu kiriya ngin kau, kosodi acamakin Yokana angoliar toma kosodi aanyun nualosi nginitur kere aswam, kosodi aiwadik ngun toma otabo kosodi aijukakin ngin neejasi ikanisan ikanyikaarei.

Inyobo ngin? Kristo epukorio kotoma apaarasia nuka aswamuKe. Erai aswamisioit naileleba, nges erai Eitabo. Ido erai e-Eitabo loka adwaranut na ainaki Kristo, ainaki Edeke mamawok kanejai Ekemalaika, iwadikat Yokana. Ido arereng neejai nginitunganan yenesiomi Ngin arai yeniirari Ngin esiomio, naara-naarai eapie apak naitodolikinotor nu kere.

62 Kijaatar kwana oni kede aiboi najokan. Ido kiitu, idarit oni Ekanisa kotoma aomisiowok. Kalaije kosiep ediopet, abu Ekanisa kogeun; kalaije kosiep kaloce ediopet, kongetakin ekanisa. Nuiyu kotomake, akuar kaNaebalasa, nekitiroria oni aturio nuka ekanisa.

Yokana mama ejaas ikanisan ikanyikaarei luka Asia: Asianut kojai mama ijaas ka ainapakin nuepote kama ejai ngol loajai, ido lokejai, ido loebuni, ido kama ejaas imoyon ikanyikaarei luejas kingaren keicolong.

Kwana alomar toma aiyeiyea ka aiboisio nuidulok nuka ijenuneta. Erai naiwadikaikinitai nejaas ikanisan ikanyikaarei luejaas Asia Nadidi. Ajaatar kesi-ajaatar kesi...A-aturio, kotoma apak kangin, abeit abunore koingaren. Kosdi ngesi aitopolor kes ka-ka aitur kes kanuka aswamukecs ka nueswamato kesi. Konye, kwana, iwadikaikinitai nejaas ikanisa ngul, ikanisan ikanyikaarei luejaas Asia Nadidi.

63 Kwana Asia Nadidi mam arai Asia kere, akwapin nuka Asia. Arai bon iiboisit yenididi. Ebalasi kesi ebe, kerai aibosit ngin nepetai nairiakasi kede ebuku loka Pennsylvania, itei ijo, arai icebore kwa kangin, arai Indiana; iiboisit yepedidi nekiboioito ikanisan lu ikanyikaarei. Ajaas ikanisan luadeparitos ngul kotoma apak kangin. Ido, konye, abu kopuko ikecepitenesio. Kwana asiomi eong kane nuabu eong kadum kotoma asiomanika kama ajaas akiro nukolo nuka ngin.

"Ido erai ngesi...Ikenitoy ngin yenirari kosodi, arai, kosodi mam apupokin Ngin."

Ido-ido kwana, ijesun kwap kiton apak naka ekokoro lo 4 ebe ikoto oni aitetemun icebore kane. "Kaneejai Ngol loajai, ido loejai, ido loebuni, ido ejaas kede Imoyon ikanyikaarei; kama ejaas Imoyon ikanyikaarei luejaas iingaren naka Eicolongoke." Kwana, "Imoyon," ibuni oni adolokin kes ekaulo.

kwana, kane itetemunit, arai imisiik ijo kotoma-kotoma kangina. Bobo da kotoma okokoro lo 7, arai ekokoro lo 8, obonguni bobo Ngesi alimun, aitetemun bobo. Kwana, koany. Iwadikaikinitai nejaas ikanisan ikanyikaarei. "Kama ejai Ngol loejai, loajai, ido loebunit. Loajai, kadiopepak; ejai da kwana; ido loebunit." Kwana, itetemunit kane adokenaKe auni, adokenaKe auni nuka aitodianar naka aswamuKe.

64 Kwana arai ilemu ijo ekokoro lo 8. Kiponi oni adolokin tomake, ipak edit. Ibuni oni alemun ekokoro lo 8.

Ebala Ejakait Edeke ebe, arai Eong Alpa ka Omega, loajai, ido lokejai, ido loebuni, Lokapedor kere.

Kwana itingit oni ekokoro lo 4 ka ekokoro lo 6 koingaren, kesi kere eputos. Ediopet, ebala Ngesi ebe, "Neejai Ngol loajai, lokejai, loebuni." Inyobo etamit Ngesi aibwaikin iingaren naka Ekanisa? EidekeoneKe. Lolo, etamitos itunga aitarau Nges e-enabi. Edeparit Ngesi enabi. Icetunga etamitos aitarau Nges idekesio iuni. Mam Nges erai idekesio iuni. Erai Ngesi Edeke ediopet loabu kajar kotoma oyapesin iuni, aitodianareta auni nuka Edeke kangopengol.

65 Kwana, kiitu erai na Apukokinio, "Idiotunganan yenepupuni ngin, komam erici akiro nuka eitabo kalo, elemario akewai kotoma oitabo loka aijar." Mam Yesu ejai apukor kwape idekesio iuni, Edeke ediopet kede iyapesin iuni. Oo! Elosi aidikior akaulo naka ipak yenedit, nakidolokina oni toma aturio ngun nuka ekanisa kasodete aanyun neapotu kesi kotwakariata ngin. Abu koyangau atiak naepol kotoma Airiamun naka Nicea. Kesi kere iarei apotu kolototo awai toma osangeta luidulok.

Ido eswamata bobo ibore ngipengin kotoma apaarasia nukawasia, kwape Ariamun naka Nicea nageikini, naarai ejaun bobo ace. Cut abeit kwape abwoia eong kane, epote ikanisan luka Atulik ka Protestant aimorikikin icebore nepepe, arai acamanar idiopet kayenice. Koany ber ijo ekaanyanaran lokapolon loka Canterbury kalaije kwana. Kere ejai atukonokin nepepe cut. Ido emamei asisianakin kotoma Obaibuli naka Edeke loerai iuni. Ejai Edeke ediopet.

Ido epukoritai kane kotoma Oitabo loka Apukokinio, tetere akiro kere nuka Nuiwadikatai itogogongorio kane, ido abu Kristo kibwaik aKeipucet toma ngin. Nges Na. Arai kelema idiotunganan araibo aiyatakin tomake, elemario ewai ngopengol kotoma Oitabo loka Aijar, kanukeng. Aso kolomak na mere kede aninik, kolomak na kede etau loepukoro ka aomisio nuepukuro.

66 Kwana, kotoma Airiamun naka Nicea, apotu kesi kodolokisi toma aomisio aarei. Kotoma e...Oo, luipuu kakesi kotoma apaaran kangin lukapapa lusek luka ekanisa, kejaas kesi kede aomisio aarei nuagogong. Adiopet kakesi arai Edeke loerai iuni, lokiyuunit tiriniti. Kosodi loce je kerai e-Edeke ediopet. Ido kesi kere apotu kojaunos kosodete alosit luipagagaara, koipone *kangol*. Abu tiriniti koraun aiboisit naka etunganan loka idekesio iuni. Oneness abu karaun luka ediopet, aibucaret naelwana cut kwape kadiopet kaya. Kwangin apotu kesi kere kolototo ipagagaara, konye kotoma cut *Kane* epukorit Abeit.

Mam Yesu apedori araut PapaKe Elopel. Mam karaida, arai ajaatar Ngesi kaPapa kinga naka Emoyo lokalaunan, akepolou erai do ngesi ikoku yenokal. Ido mere...Emoyo Lokalaunan nges abu kopotu Nges, ido abala Ngesi ebe Edeke nges PapaKe. Kwangin Emoyo Lokalaunan kede Edeke...Erai nen Matayo 1:8 arai...Emoyo Lokalaunan kede Edeke ejai araut Ediopetunganan, arai mam ajaatar do Ngesi lukapapa iarei. Ido anyaritai Nges Emmanuel, loerai, "Edeke ejaas kaoni." Abala Ngesi, nejaar Ngesi ne toma akwap. Ebe

Nges kede Papa araas Ipe.

Ajaatar eong ikokoron kere iwadikatai ne tetere ijo ianyuni, arai kipou oni ajaatar aingiset na-na, araibo icebore.

67 Kwana, naetodiaror Ngesi kane, kwape adokena auni nuka eyapiesi loka etungananeKe, "Ngol loajai, Ngol loejai, Ngol da loebuni, Lokapedor kere," kwana, emameete idekesio iuni kanen; ejai Edeke ediopet.

Ido Airiamun naka Nicea kanu aswam nu, kanu apedor aswam nu, ajai kes alemun tiriniti, naarai kotoma akwap naka Iromayon ajaatar kesi idekesio luipu. Elipete kesi nejaas lukapapakec lukatwak. Ajaatar eong akiro nukolosek cut kane neapedoria eong atakun ngin. Ianyu? Elipete kesi nejaas lukapapakec lukatwak. Ngin nges apolou naejaatar kesi Cecelia Nakalaunan, ka Marcus Lokalaunan, ka lokalaunan, lokalaunan, lokalaunan, lokalaunan, lokalaunan, lokalaunan.

Neabalar, Petero Lokalaunan ebe, "Emamei bobo ekapuron ece kiding Edeke kede etunganan, dimarai ebe Etunganan Yesu Krsito." Ediopet.

68 Ajai kes ajaun kede edeke loarai iuni. Aso ajaatar kesi Jupiter, Mars, Venus. "Ido mam ngin arai nadolit, aibwaikin ngun kere neejai Edeke ediopet," aso apotu kesi kotiakatakata ngin, kosodete aitarauun iyapiesin iuni luka Edeke kwape idekesio iuni luegelegela.

Konye isideleleunit Ngesi kane, kotoma Apukokinio, Loerai Ngesi, "Arai Eong Ngol loajai, Ngol loejai, ka Ngol loebuni, Lokapedor kere." Ibuni oni amisiikin ngin okau mot kane, abala Ngesi ebe, "Arai Eong Alupa ka Omega," A kiton Z, loka kere, anyukutan nuka Iyananin. "Apecelit naka Aditot, Aturot naka Saron; Papa, Okoku, ka Emoyo Lokalaunan; Ngol loajai, loejai, ido loebuni; Aliasit ka Aur naka Daudi." Erai Ngesi Edeke, Edeke. "Kede-..." Timoteo 3:16, "Komam abunonokin, epol aiyeyea naka ayongit Edeke; naarai abu Edeke kitodiar kotoma akuan, koanyutu Imalaikan, kiyuunai kotoma akwap, kijaunai kokuju kotoma Aibuses." Edeke! Mere etunganan lokiuniet araibo enabi, konye Edeke Elopel, itodiara kotoma adoketait naka etunganan. Kwana, kiitu, erai na apukokinio.

69 Kwana, Edeke kotoma ageunet, arai nges Yawe lokapolon loajari kotoma Opir loka Akim, ikaja kokuju naka Israel, kosodi aingarenikit kes. Arai ngol Edeke, Emalaika loka Aitutuket. Abu kobu kwap komoru; abu emoru kere ikam Akim. Abu Akim kopor komoru, kosodi aiwadik Ikisila Itomon. Anyaritai Nges, "Araut Papa naka Edeke," neejaas idweKe, AketekeriKe naseuna naka itunga, Iyudayan.

Kosodi Edeke ngopengol araun akuan kotoma akuan nauruni-abekot naabu Ngesi kosubak toma akoik naka Mariam, kosodi aijar ka aidukur kosodi aibubukin eKewema, kwape ajaar, akidingot naka itunga. Kosodi Edeke ngopengol abu koraun akuan kiboiororoi kakidingotowok. Abala Ebaibuli kwangin. "Ajai Edeke toma Kristo." Akuan arai Yesu. Yesu, "TomaKe eboio aileleba kere naka Eidekeone kotoma akuan." Mam ngin itaraun Ngesi itunga iuni, kwana. Mam ibatisai nejaas idekesio iuni. Ejai Edeke ediopet. Ianyu? Edeke ediopet. Kwana, Edeke ngopengol abu koraun akuan.

Abala Ngesi ebe, "Abuni Eong kama ejai Edeke, ido alosi neejai Edeke."

70 Akaulo na Nges aolior kotoma akwap, kotoma atwanareKe, anukio ka ajarun, ka adokar, abu Paul kiriamunos kaNges korot alosit Damasiko, koringa enyaritai nges, "Saul." Kosodi Eporoto abunore, kosodi atemar, "Saul, Saul, kanukinyo ireitor ijo Eong?"

Kotema ngesi, "Ingabo Ijo?"

Kotema Ngesi atiar, "Eong Yesu."

Ido arai Ngesi Epir loka Akim, Aica naabu kitumudak akonye nuka ekiyakia. Kedaunit Ngesi abogor bobo. Yesu ngopengol kedaunit abogor neejai Edeke, Papa, bobo. Ngin nges apolou abalar Ngesi kane ebe, "Arai Eong Lokapedor kere," kotoma aput yapeya naajai Ngesi eringa kerauna akuan; ka akekuan najari Ngesi kotoma, nanyaritai Yesu, Etunganan lokijeni oni, Yesu.

71 Kwana, kwape luipu kayesi luminan itunga luka oneness ibatisaete kotoma, "Okiror loka Yesu," ibucarito yesi. Ejaas akwat nuka lua Yesu kotoma akwap lolo, konye ejai Ejakait Yesu Kristo ediopetebon. Eurunitai Nges erai loerai Kristo. Ipu lua Yesu. Eriamununos eong kede luipu kakesi. Konye ejai Ejakait Yesu Kristo ediopet, erai Ngesi Edeke.

Ido Papa, Okoku, ka Emoyo Lokalaunan mam eraas *ikiroria*. Eraas ngul imaeta luelosete nejai Ekiror ediopet. Ibatisaete kesi, "Kokiror loka 'Papa, Okoku, Emoyo Lokalaunan'" Papa mam erai ekiror ido *Okoku*, kosodi *Emoyo Lokalaunan* mam erai ekiror. Erai emaet, bala "itunganan." Ngun nges erai ngesi, Emoyo Lokalaunan. Itunganan...Arai, emoyo, Emoyo Lokalaunan. Kosodi atemar ebe, "Kokiror loka 'Papa.'" Kosesen luka papa, ka odwe luka odwekus. Kosesen ber ijo itunga kotoma kane. Ianyu? "Papa, Okoku, ka Emoyo Lokalaunan" mam erai ekiror. Erai emaetait loelosi mama ejai Ekiror loka "Ejakait Yesu Kristo."

72 Koipone kangol nges ebatisa Ekanisa loka ikiyakia, kotoma ageunet. Ido abuni eong ailip idiotunganan

alemun ekokoro ediofet kotoma kaNuiwadikatai, arai adiopepak kotoma akiro nukolosek, naaponi kibatisatere idiotunganan kotoma Okanisa loka Ikristayon koipone ece adepar kotoma...dimarai kotoma Okiror loka "Yesu Kristo" kiton neeswamaunere ekanisa loka Atulik. Kosodete kesi adumun, "Papa, Okoku, Emoyo Lokalaunan" kanu aiyuunet. Kwana itolom akonikiro nukolosek, ice, ikewadikak akiro nukolosek. Eebo. Emamei ibore kwape kangin. Akaulo naka ekaru 304 A.D., 304, kobuni aibatisao naka imaeta iuni kanuka idekesio iuni, "Edeke Papa, Edeke Okoku, Edeke Emoyo Lokalaunan." Erai eikapirione.

Eroko esabiiti lo engetakina, abuni eong aisiom kotoma oitabon kasodi aitodikin ijo kede Eibaibuli. Inera oni atupuruc kotoma Apukokinio, kasodete aitogogong nealomuna, ka eipone loageuna ajaun. Abongor nejai Abeit, onac! Ijai oni toma apaaran nakawasia.

Idareu kiton nakidolokinio oni ekanisa loka Epeso kosodi aituput kede ekanisa loka Laodikia, kosodi asesen nuapotu kiswamaunos akidingosikec. Ibuni ijo aanyun eipone loacedunor ibore ngin toma. Kobuni toma atur naka Luther, ebal, ijaatar ijo kekiror ebe ijari ijo,' konye itwanit." Akirot alopet ebe *Sarudio* erai akepolou "etwanit." Apotu kesi kotwakiasi kotoma okaru elukumit akwatakany luka Aturio nuka Amuton. Kanginidiopet kotoma okanisan kangul aricit ngin kiton apak ngin. Kosodi neajaunotor kesi kede Airiamun naka Nicea kokaru 606, kosodete do kesi amudiar Ekiror kosodete aiswamaun idekesio iuni kotoma Ngol.

73 Abala Ngesi kane ebe, "Arai Eong ngol loajai, Ngol loejai, Ngol loebuni, Lokapedor kere." Abeit cut.

Ajaatar Ngesi Etunganane loka adokena auni kotoma akwap. Neajaar Ngesi toma akwap, arai Ngesi Ekajaran loka adokena auni. Kotoma akwap arai Ngesi Enabi. Erai bobo Ngesi kotoma Akuj da, Esasedoti. Ido naebongunio Ngesi toma akwap bobo, abuni Ngesi araut Ekabaka. Enabi, Esasedoti, ka Ekabaka da. Ngol loajai, loejai, loebuni. "Ngol loajai arai Yesu, enabi. "Ngol loejai kwana," erai Esasedoti, loeinanakini asuban nukomoyo, Esasedoti Lopeti loepedori aipup naka anonokusiowok atiror, kosodi asideleleun Elopet ka aitogogong da ebe ejai Ngesi akidingosiowok. Enabi, Esasedoti ka Ekabaka, konye Edeke ediofet.

74 Neajaar Ngesi toma akwap, arai Ngesi Enabi, Akirot. "Ekajenan lomunot," enyarit Ebaibuli Nges, ekaulo mot. Ekajenan lomunot, nges enabi. Arai Ngesi Esasedoti, ido nae...Erai Ngesi Esasedoti kwana, ido apak naebunio Ngesi, ebuni Ngesi araut Ekabaka.

Arai ipedori ijo ailamar, kosiom Apukokinio 15:3, ipedori ijo aanyun kotoma Apukokinio 15:3. Apukosi ber oni kane kasodete aanyun nuabu Ngesi...arai tope elosi Ngesi araun Ekabaka, arai eraun Ngesi Ekabaka apak naebonguna Ngesi. Kwana ilosi oni nejai Apukokinio, 15 esula kosodi ikokoron iuni.

Koyeete da ekosio loka Musa ebulesit loka Edeke, ka ekosio da loka Imerekek, kobalas ebe, Epolok aswamisiokon, ido nukaukokin da, Wu Ejakait Edeke Lokapedor kere! Edolito ikonirotin ido lukabeit da, ijo Ekabaka loka lukalaunak.

75 Inyobo arai Ngesi kotoma akwap? Enabi. Eipone ali ajenuniata itunga ebe arai Ngesi Enabi? Abu Ngesi iswama aanyunet naka Mesia, loarai Enabi. Oo, isirerengitete ekiror loka Ejakait! Eipone ali atwakiariata kesi Nges? Naarai amootos kesi icebore. Ido abu Ngesi iswama aanyunet naka Mesia, kosodete kesi mam apupokin ngin. Arai Ngesi Enabi.

Abala Musa ebe, "Itonyoikini yes Ejakait ekusideke Enabi loeputo kwape keong. Ebuni ajaun ebe arai mam kesi epupokinete Enabi lo, aponio kes atiakar awai kotunga."

Arai Ngesi Enabi kotoma akwap, kwana, naarai arai Ngesi inyo? "Ekajenan lomunot loka Akirot naka Edeke." Amen. Kerai Ngesi Akirot naka Edeke itodiaritai.

Yokana Lokalaunan, esula 1.

Kageunet ajai Akirot ajai Akirot mama ejai Edeke, korai Akirot Edeke.

Koraun Akirot akuan, kiboiororoi kamawok,...

Arai Ngesi ekajenan lokabeit ido lomunot neejai Akirot naka Edeke Namam Edaun. Arai Ngesi Akirot, arai Ngesi Enabi. Naarai alelei Akirot naka Edeke kotomake. Arai bon Nges alimun Ibore. "Mam Eong eswamai idiobore kanukang elopet, dimarai nuitodikini Papa Eong aswam. Mam erai Eong eswamai aswamasio. Konye Papa loiboie kotomaka, Ngesi iswamai aswamasio. Ido Eong kede Papaka irai Ipe. Ejai Papaka tomaka," abala Yesu, etunganan, Eyekalu.

76 Ejaatar Edeke inyaraeta luipu: Yawe, Yawe-Yire, -Rapa, Manase. Oo, ipu! Ejaatar Ngesi ikiroria ikanykaarei luimorikikina luka alakun. Ejaatar Ngesi inyaraeta luipu: Aturot naka Sharon, Apecelit naka Aditot, Aacerit naka Atupuruc; Papa, Okoku, Emoyo Lokalaunan. Ngul kere. Konye ejaatar Ngesi Ekiror ediofet loka araut etunganan. Ajaatar Edeke Ekiror ediofetebon, ido arai ngol "Ejakait Yesu Kristo."

Neaurunere Nges, Kristo, Ejakait. Akaulo naka apaarasia akanykauni, abu Emoyo konyara ekekiror "Yesu." Abu totoke koinak Nges akepio, kosodi anyara Nges "Yesu." Auritai Nges erai Kristo.

Kwape, auritai eong arai Branham. Arai eong Branham neaurunere eong kasodete ainakin ekiror loka "William"

Amen. Ido auruunitai Nges erai Kristo, Etajaran. Ido naperai Ngesi apaarasia akanykauni lukapolou, aponi Ngesi koinakinai ekiror loka "Yesu." Ido arai Ngesi Ejakait loka Aibuses, itodiaritai. Aso, arai Ngesi Ejaikat Yesu Kristo, Edeke loka Aibuses itodiara akidingosiwok. Oo, Nges ngol!

77 Kotoma akwap, arai Ngesi Enabi. Kotoma Aibuses, erai Ngesi Esasedoti. Neebunio, erai Ngesi Ekabaka. Oo! Amina eong ngin.

Enabi, "Ekajenan lomunot loka Akirot."

Esasedoti, "Kede Akeokot Obe kakonyen nuka Edeke."

Ekabaka, "Ekabaka loka lukalaunak." Mere Ekabaka loka akwap, kwana. Erai Ngesi Ekabaka loka lukalaunak. Kijaar oni ikabakan luka akwap luipugatos itunga ngul. Konye kijaar oni da, Ekabaka, ka Akabakanut. Ngin nges apolou einakinit oni itegelikina.

Kwape alimunitor eong pac, nuikamunitos akaberu, kijai isio alosit aingadis kalailo kasodete isio aanyun aumokinet, nepetai. Arai apak naka akamu, anapit aberu egoe. Kasodi eong atemar ebe, "Erai ngin ibore yentegelikina." Abu eong atema ebe, "Karai eong kajaatar akakamera, ti eong enoma aput naka aberu kangin." Itei ijo? Naarai isio...Arai ngin aberu nasodit isio aanyun enapit asikaat, ijeni ijo, enapit kwape ibusakinitor aberu ajaut, angor kere.

Abu ngesi kotema ebe, "Ijeni ijo, inyobo eraar, Bill, ebe enapitos iwokotunga, erai ebe-ebe icorakinitai kes?"

Abu eong atema ebe mam erai iwokotunga. Erai itunga luka Edeke. Itunga luka Edeke, ipudas alaunit."

Ebala ebe, "Ijeni ijo, kesi mam elosenenete okanisa?"

Abu eong atema ebe, "Ejai aberu *ngina*, naewoenenei okwaya kotoma okanisa ece kane."

"Eebo, inyo bodo, kwangin?"

Abu eong katema ebe, "Naarai mam ngesi isisianakitai aitegelikinet adio." Edolit ngin becebec cut.

78 Erai ngol ekanisa loka akuan, ibuni oni alomar toma osabiiti lo; Ekanisa loka Emoyo, ekanisa loka akuan. Kesi kere ejaas alelear neejai akanisa naerai toto, kwape abalar Ebaibuli, kotoma Apukokinio 17, apote kesi aswam ngun. Ejai abongor kwape kwana, kesi kere, iswamaete kwape kangin, aswam iriongeta. "Eebo, kiraii oni *lukamutan*...Iraun oni erionget. irai oni *nu* ido irai oni *kwa*." Mam kerai kwangin kageunet. Alemar apedor kere kama ejai ekanisa kosodete aibwaikin nejai ekaanyanaran arai ipaapa. Ejai Edeke toma Okanisake, akidingos naka itungake, itodiari Akekuan kotoma lukapolok ka nginitunganan kere, kwana. Konye kotoma apak kana...

Abu ngesi kotema ebe, "Eebo, oni mam irai itunga luka Amerika?"

Abu eong atema ebe, "Mam. Kijari oni kane, konye mam oni irai itunga luka Amerika. Irai oni Ikristayon. Akabakanutuwok erai nakotoma Akuj."

79 Ido arai ebunit awokoiyar kokuju Kangina, kwangin kijari do oni koipone kangol. Naarai, ibunit oni... Awokoiyar erai naelomunit kotoma aiboisit nakalaunan. Etakani itegelikina. Enapete itegelikina. Angor kokuju Kangina ejaas kede itim luaojak. Ido mam kes ejukete ireetinikec. Ido-ido mam kesi enapete ipalei luuriesik. Enapete kesi-kesi isikaatin, ka anapito naojan ka igoen. Ido ejaatar kesi kitim luaojak, ka iboro. Kwangin e-ejautenekec, kokuju Kangina, itodiar kotomawok.

Mam ikiliok emasete esigala, anyaka, aingal, akoko. Epote kesi, ikecemoyon, apote kotoma aiboisio nukalaunak, einakini kes ejare lokalaunan, ajenun idiopet kayenice kwape iinacan. A-ha. Nges nen.

Kirai oni luka Akabakanut, ido kijaatar oni Ekabaka. Ido erai Ngesi Ekabaka loka lukalaunak. Ido akirot ebe lokalaunan elomunit kanejai akirot, "luitalaunitai." Kosodi do nakitalaunere itunganan, elomuni do Kristo, Emoyo Lokalaunan toma otau kosodi araun Ekabaka kamakec. Oo, ikatunga! Ibusakinit ngin koloma toma. Oo! Nakitalaunere ibore yenikitwasama yenika Edeke...Elomuni Kristo, Ekabaka, Emoyo Lokalaunan toma. Kosodi Ngesi...Ekabaka airumiar. Amen. Kosodi akonijar kere eyaitai Ekabaka loka lukalaunak. Akabakanut! Kanginikabakanut kere kotoma akwap itamaranio, isiarisiarario kede apedor naka iboomun. Konye ebala Ebaibuli ebe, "Idum oni Akabakanut namam itamaranio." Amen. Ngol kanen, Ekabaka loka lukalaunak.

80 Akoto eong ijo amisiikin ijenuneta luka Kristo, da, kOibaibuli kosodi kane kakwap. Kakwap, arai Ngesi Enabi. Ijo iyuunit ngun? [Kotemari atukos ebe, "Amen."-Ekewa.] Enabi erai Akirot. Ijeni oni ngun. Akirot

ebe *enabi* akepolou ebe "ekejulunan loka Akirot loka Edeke." Iwadikao Akirot naka Edeke, ido enabi nges ejaatar kEmoyo loka Edeke kotomake. Ido ijeni ijo, enabi kotoma Aitutuket Nakitetet anyaritari ebe 'edeke,' loabuni Akirot naka Edeke mamake, enabi, eipone ali ipedoria ijo aitoron Eong neabalar Eong ebe arai Eong Okoku loka Edeke?"

Abala Yesu ebe, "Arai anyaritari kes idekesio...Mam kereka iwadikatai toma okisilakus, eraas kesi...'Iraas yesi idekesio'? Ido arai anyaritari kes 'idekesio,' luabunenenei Akirot naka Edeke mamakec, enabi, eipone ali itubokiniata yesi Eong neabalar Eong ebe arai Eong Okoku loka Edeke?"

81 Naarai, anyaritari ngesi 'edeke,' naarai edakit ngesi kotomake Akirot naka Edeke, EBALA EJAKAIT KWANATA. Kanuka ngun, akirot enabi erai akepolou, ake-akeijulunet mam ekoto aboliar." Ianyu? Arai abu Edeke...Ebalala Ngesi ebe, "Arai ejai ice kakidingosikus, yenikemoyoi, arai enabi, Eong Ejakait enera kanges. Nuelimuni ngesi itodolikin, aso kiiras nges, naarai ajai Eong kede nges. Konye arai mam itodolikin, mam do iyuunete nges; mam Eong ejukunit nges. Koipone kangol nges ijenuniata ngin. Kosodi do, itei ijo, ekoto Eijulune loka Akirot koupakinos kede akepukokinio nakawasia neejai ekanisa.

Erai Ngesi Edeke, Lokapedor kere. Kotoma akwap, arai Ngesi Enabi, loerai emorukaalet. Imwasi ai ejenete ebe anyaritari enabi kwape emorukaalet ? [Kotemari atukos ebe, "Amen."-Ekewa.]

82 Emorukaalet nges ekweny loegogong kakere lokijaar oni, loepol apedor kakere. Ace kotoma abebenokakec eteraros iputin itomonaongon, osange kiton osange. Epedori ngesi anyoun kosodi aporor aidir kuju noi ebe arai ketam ekweny edio atupakin nges, isiarisiarun, epote akopiroke adotonor kamake kosodi ngesi atiak. Naarai kanukinyo? Edukitai ngesi itegelikina. Ido anyoin ajokis iswamuni kanu nges aidir kuju kwangin arai mam nges epedori asesen nuelosi ngesi aswam kokuju kangina? Iner nuikamunitos akongu naka etoori? Ekoto ijo aanyun akongu naka emorukaalet.

Epedori etoori, aanyun akokor. Abeit ngin. Ngin nges ationis kede ice kotoma itoorion kalu lolo. A-ha. Konye, kalimokini eong ijo, emorukaalet elosi toni, arai etamaki etoori atupakin nges, etwani. Emeni eiyengane. Mam nges epedori alomar toma aiboisio ngun nupedor emorukaalet.

Ido ejaatar ngesi kakongu, ebe epedorit ngesi asesen neelwana, kedol ngesi kuju ngina. Aso ngin nges apolou naabu Edeke konyara *Ikenabin*, "imorukaalei." Elosi ngesi kuju ngina, ido erai ngesi emorukaalet. Epedorit ngesi asesen, kanelwena.

83 Ido Kristo, kotoma akwap, arai Emorukaalet. Neabu Ngesi kotwania, arai Ngesi Esasedoti, aso ngin nges abu kitarau Nges Imerekek. Ngin erai naedoilit? [Kotemari atukos ebe, "Edolit ngin."-Ekewa.] Ido naebonguna Ngesi bobo, eraun Ngesi Ekabaka, kwangin ebuni do Ngesi araun Engatuny, amen, Engatuny loka ateker naka Yuda. Amen. Erai Ngesi Emorukaalet, Imerekek, ka Engatuny; amen; Papa, Okoku, ka Emoyo Lokalaunan; Enabi, Esasedoti, ka Ekabaka; Ngol loajai, loejai, ido loebuni; Lokapedor kere; Alpa ka Omega, ameun kageunet kiton angeset, Edeke Loman Edaun.

84 Akoto eong aingit yes, ice kotoma yesi itunga luketiai luka Atulik, luinyarito ngin ebe, "Araut Okoku Ikar Lumam Edaunos naka Edeke; Edeke, Araut Okoku Ikar Lumam Edaunos naka Yesu Krsito kede Edeke." Eipone ali ipedoria ijo alimun akirot kwa kangin? Arai eong ebang loka asioman naka adoketait naikanyetekaarei, konye ajeni eong ajok adepar nen. Akirot ebe okoku ejaas kede ageunet. Kwangin eipone bodo ali ipedoria Ngesi araut Lomam Edaun kosodi araut okoku? Iboro Lumam Edaunos emameotor kageunet arai esange. Aso, mam Ngesi epedori araut okoku, okoku Ikar Lumam Edaunos, kwabo kojaatar kageunet, naarai emamei ibore kwape kangin ebe okoku Ikar Lumam Edaunos. Ajaatar okoku kageunet, kwangin mam do nges epedori araut Lomam Edaun.

Itei ijo, erai Ngesi Edeke Lomam Edaun, mere okoku Lomam Edaun. Aibuses! Lokapedor kere, Yaweyire, Yawe-rapa, itodiar kotoma akuan, "Tomake eboio aileleba naka Eidekeone kotoma akuan."

85 Ido kApaaran naka Pentekosit, naejesunor Epir ngol loka Akim kwap kokuju naka itunga, ijo ibu komisiik ebe, abu Ngin kotiakatiakaun Alopel? Kosodete angajepa nuka Akim adoikin nginidiopet kakesi. Angajepa bala, nuka Akim, edoikinet nginidiopet kakesi. Inyobo ajai Edeke aswam? Atiakatiakaikin Elopel toma Okanisa, neejai nginidiopet, ainakin angor kede ikiliok, ka kesi kere; arai atutubena nuka Emoyoke, atiakatiakaikin Elopel akidingos naka Ekanisake.

Eipone ali ipedoria etunganan abunore kosodi atemar ebe, "Etunganan lokalaunan nges ipaapa. Etunganan lokalaunan nges ekaanyanaran"? Etunganan Lokalaunan nges Kristo, Emoyo Lokalaunan kotomawok. Eipone ali ipedoria ijo atemar ebe itunga luemamei adoketait kokanisa emamei kes akirot naebait alimun? Kanginidiopet kotoma yesi ejai ibore yenebeit alimun. Kanginidiopet kayesi ejaatar aswam naebait aswam. Kanginidiopet kotoma kayesi ebeit ayangar Aisiiraret. Abuses!

Abu Emoyo Lokalaunan kotiakatiakaun. "Apaaran kangin ijenunete ebe ajai Eong toma Papa, Papa da tomaka; Eonga da tomakus, ido yes tomaka."

"Kapaaran kangin," Emoyo Lokalaunan, "koyaite kere, toma kakere, kotoma kakere." Amen. Engin

kanen. Ejaatar Emoyo Lokalaunan kapedor alosit aiboisit adio kere naekoto Ngesi, neejai idiotunganan kere yenekoto Ngesi. Mam ebeit ijo ayangar nuebala ekaanyanaran edio arai esasedoti. Ngesi bon erai Esasedotiwok, eebo, Esasedoti Lopeti. Kwana; Enabi, Esasedoti, ka Ekabaka.

86 Kwana:

Ido...kama ejai Yesu Kristo, ekajenan,...ekiyai loka ikatwak,... (Kiponi oni adolokin toma ngin.)...ka ekayaiton da loka ikabakan luka akwapin. Mama ejai ngol lokimina oni, lokilacuni kotoma adikanaretawok kanuka Aokotoke,

Akirot ngin ebe *luikilacunitai*, abeit cut, kotoma Ayonanin, erai akepolou "Alacakin." Abu Ngesi kolacak oni kotoma awoko...Aenikinitai oni neejai akwap, kede adiakar. Mam oni kipedori asesen, mam kipedori aipup, ido komamei aijen naka Akuj arai idiobore. Konye neaponiata Aokot kwap, apotu kotuboto auno kasodete oni alacakin. Oo!

87 Asiomit eong acekiro kapak adiopet, erai...eticepak elomari ne ejok cut. Abu akorion ikam ekuruk kosodi aiyen nges. Kosodi ngesi atemar ebe, "abuni eong aisisianakin luce ikuruka tetere ejenunete." Aso abu ngesi kowen ekuruk ngol loamojongit, ido kowen akeju, kede auno, kosodi ibore yenikican ngin yenamojongit aikany etengei kiton aapikin atwanare. Abu ngesi agogong odisiar, mam apedori karaida alosit.

Ngun kes, eswamata ice kotoma oriongeta kalu ka ikanisan, aenata itunga. "Mam cut epedori! Eebo, *nepena* nges aojau naipedorete yesi alosit. Adaunos Apaarasia nuka aswamasio nukapedor." Eebo. Kiwenitai ijo. Odaunos ngun. "Emamei ibore ngin ebe Emoyo Lokalaunan. Mam bobo Ngesi inera kede angajepa kwape atapitor kolo."

Erai Ngesi Edeke. "Erai Ngesi ngopengol bian, lolo, ka ikaru kere," Iburanian 13:8, ejari kotoma okanisan kere. Ibuni oni adolokin ngin akaulo naka oni aitegear atupuruc na. Ianyu? Erai Ngesi Edeke, loejari kotoma kanginitur naka ekanisa. Ebuni Ngesi aijar kotoma nginitur naka ekanisa, ido ebuni aijar kotoma otungaKe kwape...Ikar Lumam Edaunos. Naarai kijaar oni kwana, kotomawok, Aijar Namam Edaun.

88 Aso, abu erionget lo kowenite nges, itei ijo, "Ijeni ijo, atuboros apaarasia nuka nukaumokin. Emamei ibore ngin ebe aitangale naka Edeke." Abu ekesa lokican loamojongit kipapuk kanen kiton naamunaror ejauteneke mam bobo apedori alosit.

Ido kadiopepaaran abu etunganan lokajokan kitoru nen, kosodi atemar ebe, "Ijeni ijo, ekuruk ngol lokican loemojongit, apupi eong erono kanuke. Kakere, aticepak alemanar lem ngesi emudunga kangol, konye ngol bon nges eipone loejaria ngesi. Ejai nges adumun ibore yenyenyami. Kwangin mam nges ajeni adioitegelikinet, ajai bon ngesi ngina amoot emudunga. Kwangin arai..." Kosodi ngesi alemun eke...kosodi alemun ekekileng kosodi aitub auno alacakin ekuruk loamojongit.

Ido ijeni ijo, kane kopote luce ikuruka, kopote, ebalas ebe, "Kobia, ekuruk Johnny. Alototo lailo Ongalakimak. Ebunit ekuse loelilim."

Ijeni ijo inyo? Mam ekuruk ngol apedori alosit Nealwana kwape kelosenena sek ngesi kangina. Abu ngesi kotema ebe, "Mam eong apedori aswam ngun. Mam erai, mam erai kanuwok apak na. Mam oni-oni ipedori aswam ngun." Ianyu? Aponi nges kowenitete adaun aojau, kiton neaomitor ngesi ebe eroko ngesi ewenen. Ianyu?

89 Ido ngol nges ejautene kede itunga luipu, iwenitai yesi kede aiyuuneta ka idiinin, kama ejai toto namojong amalayat kokau kangina, alimonokin ijo, ebe, "Mam Yesu Kristo erai Ngesi ngopengol. Ido emamei ibore ngin ebe aitangale. Emamei aibatisao naka Emoyo Lokalaunan. Emameete iboro kwape kangul." Atamit alimonokin yesi kes. Kiwenitai lem ijo adaun aojau kiton nairingar ijo iwomit ebe iwenitai ijo.

Etunganan lokajokan, Kristo, abu koinak Akeokot tetere Nges ilotari oni ka alacakin oni kama adiakariwok. Inyobo adiakar? Abuni eong ailip idiotunganan alimokin eong. Inyobo adiakar? Adiakar nges "Amamus aiyuun." Edolit ngin. "Ngin yenimam iyuuni adautu akiro aitelekar."

Ido akonidiakar nges bon ikonibore yenitukurworit ijo alacakin. Erai naarai abu Edeke kolacak ijo kotoma amamus aiyuunikon, konye kiwenitai ijo noi kede italesio kiton neisalitor ijo iwomit ebe kiwenitai ijo. Koarite etengei ayapikin atwanare, itei ijo, ilwaritos, arai eong Presbyterian. Arai eong Methodist. Arai eong Baptist. Elimonokinete kesi eong (Church of Christ), 'Atuboros apaarasia nuka nukaumokin. Imamei ibore kwape kangin.'"

Irai ijo ikuruk yenican yenearit etengei! Inyobo mam ijo ibunio atupuruc na? Inyobo mam ijo ipororia awai? Aleluia! "Konyou kede abebenoka nuka atupuruc, kosodi aporor awai nejai Akolong naka Adolit, kede angaleu kotoma Abebenokake." Amen. Nges nen. Nges nen, onac, inac. Oo! "Ngin yenalacaki Okoku, elacakina cut." Eebo, ipa!

90 "Eebo, ekecokonika..." Emamei ibore kanuka ngun. Abala Ebaibuli ebe, "Ilacakina ijo." Edolit ngin. Ilacakina ijo.

"Ekakanisa..."

Eebo kolacakin. "Elota Ngesi oni ka alacakin kama ejaas iriongetawok, kotoma AokotoKe Elopel," ido alacki oni tetere oni ipedori aomoom kanuwok, kasodete aswam kanuwok, ka einer da kanuwok, kasodete aswam kanuwok.

"Eebo, karai eong abongor kasodi alimokin ekecokon ebe ajai eong aibatisao, ti nges..."

Dobodo, "Ilacakina ijo"? Erai na apukokinio, ijeni ijo. Eebo. Ilacakina ijo.

Arai icokicokitai ijo kede ijangaret idio yenamunyu koipone kalo, ekiror loka "Papa, Okoku, ka Emoyo Lokalaunan," ejai apany ne, ekapakina atupuruc na, kede akipi kotomake. Ianyu? Eebo, ipa. Mam erai naedolit.

Aso, mam bobo ijo iyenen. Ilacakina ijo, konye aticepak mam ijo ijeni ngin. Konye ber eong alimok ijo atupuruc, abala Ebaibuli, "Abu Ngesi kolacak oni kotoma adiajanaretawok, amamus ayuuniwok, tetere oni idumuni Apukokinio naka Yesu Kristo." Kolot awai, kolacakina!...mam ebeit ijo ayangar nuebala ediokanisa nuikamunitos Ngin. Koyanga nuebala Edeke nuikamunitos Ngin. Akepukokinio na ne epukori Loerai Ngesi.

"Eyuunit duc eong ebe ajaatar Edeke Papa, kepenek loekwang, lokaojan, itim luakwangak; ido Okoku arai loka atur nakokiding kiding; ido Emoyo Lokalaunan kerai itelepat yenarai ejenunet lokebwoikinit ngul." Onac, ekapirione ngol. Erai ngol ekapirione arai iyuunit ijo idekesio iuni.

91 Aicorakinet alopet obe nasodit, inyobo Aicorakinet nasodit? "Kiiras yesi, Wu Israel: arai Eong Ejakait Ekusideke, Edeke ediopet." Erai kwangin.

Erai Ngesi Edeke ediopet, mere idekesio iuni. Abu Ngesi kajar kotoma oyapesin iuni, ijanakit kaiboisio auni. Erai Ngesi Enabi, Esasedoti, ka Ekabaka. Erai Ngesi Emorukalet, Imerekek, ka-ka Engatuny. Erai Ngesi Apecelit naka Aditot, Aturot naka Saron, Apecelit naka Aditot, ka Acerit naka Atupuruc, Aliasit ka aur naka Daudi. Erai Ngesi ageun A kiton Z. Erai Ngesi Papa, Okoku, ka Emoyo Lokalaunan. Erai Ngesi ngun kere, konye erai Ngesi Ediopet. Erai Ngesi Edeke ediopet. Eraas ngun Ikemaeta luelosete mamake, konye ejai Edeke ediopet.

Mam cut idiotunganan, adiopapula naka Obaibuli mam karaida kotoma akiro nukolosek, kiton Ekanisa loka Atuli, yenebatisatere kotoma aitulum kokiror loka "Papa, Okoku, Emoyo Lokalaunan."

92 Arai kitodik ijo eong apapula arai idiobore, kiwadik jo ngin, kiperik ngin neajai eong, atiibong na, ido abuni eong alomar kinga naka ekanisa kalo, abala ebe, "arai eong lokesoswai; esisianak eong itunga erono." Arai ipedori ijo aitodikin eong ekokoro loka Naiwadikatai, arai ayangaun eong adiopet akirot nakolosek, akiro nukolosek nukabeit, nuitodikinete eong ngin neapotu itunga kibatisatar, kObaibuli, kOkiror loka "Papa, Okoku, Emoyo Lokalaunan." Araibo koyangau eong ediope ekoko-...arai, eitabo ediopet loka akiro nukolosek, apapula adiopet, atakunet adiopet kotoma akiro nukolosek, neaponi kibatisaere idiotunganan kokiror loka "Papa, Okoku, Emoyo Lokalaunan," kiton Airiamun nako Nicea naka ekanisa loka Atulik. Kobia, koyangau mamaka; ido enamakini eong aanyunet opuraka kasodi alosit ketorite Jeffersonville, kajo kokau kede amumwarat, kokusi. Ebwaikini eong nen ebe, "Enabi loengalat, loejai aitaapaar itunga."

Ido, ekecokon, arai ijai ijo ne atupuruc na, ti ijo iswama ngun, ebusakinit ti ijo ainakin eong aismamaikin ijo ngun. Ianyu? Kobia, kitodik eong. Konye ikuriana ijo.

93 Kwana inyobo ngin? Erai *Na* Apukokinio. Erai *Na* Apukokinio. Ido erai lo Emoyo Lokalaunan, Kristo, ijukari Akesiiraret nejaas ikanisan. Kiiras Ngin. Kiiras Ngin. Ngun kes nuisisianakini Ebaibuli.

Aibo alomunia ngin toma? Arai mam ijo ibuni anyunyurikin, anyoun awai, angetakin esabiiti, kolek Airiamununeta nuko Nicea. Kolek eitabo loka Hislop loenyaritai *Nuababulon Aarei*. Kolek...

Kwana, edolitos akiroke Josephus, konye abu ngesi kiwadik eparagurap ediopet bon loka Kristo, ebala ebe, "Ajai Etunganan loanyaritai Yesu loabu irimirim, kitangali itunga. Ido-ido abu Ngeisi kotwana, mam, mere, Pilato abu koar Nges, ido-ido, araimam Kerode, arai abu kotubok nges atwanare. Kosodete do ikiyakia alosit ido akokuar akekuan ayangaar nenice, kosodete aibwa. Ido kanginikuar alosete kesi atubun itutubet kotomake kosodete ainyam." Ebala ebe, "Araas kesi ikanyamak itunga." Aso, ajaas kesi aikuny, itei ijo. Aomisio nukakuan nuka etunganan! Mam Josephus erai loebait apupokin.

94 Konye kolek Eitabo loenyaritai *Foxe's Book Of The Martyrs* Ngol nges itodiarit abeit nateni *Foxe's Book Of The Martyrs*, imwasi bo ai esiomitotor ngol? [Kotemari atukos ebe, "Amen."-Ekewa.] Abeit cut. *Aturio Nusek* Nuka Pember, araibo-araibo *Nuababulon Aarei* nuka Hislop, araibo-araibo ece loepol lotodiarit abeit nateni. Araibo, lokapolon kakere lokijaar oni nges Airiamun naka Nicea, Airiamun nalingakini naka

Nicea, ka Airiamun naka Nicea. Kosodi ijo ajenun kanen, ebe mam elimunitere ngun, emamei itunga.

Kolem Nuiwadikatai Nukalaunak kosodi aanyun arai ejai idiotunganan kOibaibuli yenibatisatere, kitwasamaete imaeta ngul, ekiror "Papa, Okoku, ka Emoyo Lokalaunan." Itodunit idekesio iuni. Erai kanuka epucit loka ikapirin. Ka Etulikane emamei icebore kotoma akwap dimarai, e-eipone loka Ekristayone lokapiirit. Ido kotoma okanisa loka Atulik olomuni Martin Luther, John Wesley, Baptist, Presbyterian, ka ice da.

Konye kotoma apaarasia nukawasia aponi kosipokinai ekek kiding nen, loabu kopuko Abeit bobo, ebe, "Abala Ebaibuli kwangin," ka enabi da lokapolon loabeit abunore toma akwap kotoma apaarasia nukawasia. Ido iyuunit oni ebe ebunit ngesi. Kosesen. Ido ebuni ngesi ajaun kede Ekanisa. Kwana, ibuni oni aanyun na.

95 Kwana, kiitu, erai na Apukokinio. Mam ijo ipedori alemar kotomaKe. Kwana, ainingosit bo na! Kodum idiopetungan kOibaibuli, kaiboisit adiopet naibatisatotor kesi kokiror loka "Papa, Okoku, Emoyo Lokalaunan," araibo aicokicok idiotunganan, komou ngin kOibaibuli, kanuka aisionio nuka adianaretakec. Mam cut kes iswamatotor. Ido nginitunganan kere, mamace eipone loebatisatere kes, ajai abunore kosodete aibatis, bobo, kOkiror loka "Yesu Kristo," kanu adumun Emoyo Lokalaunan.

96 Aswamisio 19, abu Paul kitor toma akwap naemukurur naka Epeso, kodumuni ikesisiak ice." Abu ngesi kotema ebe...Ikesisiak, ido ajaas kesi kede airiamun naka aumokin. Atupitos kesi etunganan loanyaritai Apolo, loarai epulida loebelokina; loka Baptist loeyuunit Yokana Loebatisan, ido kojai aitogogong kaNuiwadikatai ebe kerai Yesu nges Kristo.

Abu Paul kitor nen kosodi aanyun Akuila ka Pirisikila, kosula lo 18 loka Aswamisio. Kosodi ngesi alosit iingaren ainyam luka atiibong, arai icebore, kede Akuila ka Pirisikila. Apotu ngul kolimokis nges nuka etunganan kalo lokaumokin. Apotu kesi kolototo apupokin nges. Kosodete aiarar nges akuar ngin. Abala ngesi ebe, "Ejok ngesi noi. Edolit ngin noi. Ejok ngin noi. Konye," kotema, "Yesi idumunitotor Emoyo Lokalaunan ageun nakiyuuniata?"

Dobodo yesi lukican luka Baptist kokau kangina, iyuunotos ebe apotu kodumutu Emoyo Lokalaunan apak nakiyuunita?

Abu ngesu kotema ebe, "Yesi kidumunitotor Emoyo Lokalaunan ageun nakiyuuniata?"

Kotemari icetunganan ebe, "Mam ngin ewadikatai toma ngin."

Etepegi eong ngin. Ajaatar eong nakabeit naka Iyonanin, kane cut, naka Iburanian, da. Ebalala Ebaibuli kotoma Ayonanin, ka aarei kere, Aburanian, ido kotoma Aramaik. Kotoma ngun auni kere, ajaatar eong kes ne, neabalar ebe, "Yesi idumunitotor Emoyo Lokalaunan ageun nakiyuuniata?" Edolit ngin. "Yesi idumunitotor Emoyo Lokalaunan ageun nakiyuuniata?"

97 Kwana, kotemari ngesi ebe, "Mam isio ijeni arai ejai Emoyo Lokalaunan."

Kosodi ngesi atemar ebe, "Kibatisatai yes aibatis anyoin?"

Kotemarete kesi ebe, "Edaunitai isio aibatis etunganan loebatisai Ejakait Yesu Kristo. Ibatisatai isio aibatis naka Yokana," kaipany kangipekangin naka akipi, aticepak, "etunganan ngopengol."

Abu Paul kotema ebe, "Mam ngin ebuni aswam. Abu bon ngesi kibatis toma aitoronokin, mere kanuka aisionio naka adianareta."

Kwana, ice kotoma kayesi itunga luka Oneness ipotu kosodete-kosodete aibatis aibatis ngin, ibucara. Ibatisaete yesi toma, kanuka aitajario. Mam akipi itajarete itunganan; erai Aokot, aitoronokin. Mere kotoma aibatisao kiton aisiteteunio. Mam, ipa. Ebuni aisiteteunio kanuka Emoyo. Aibatisao erai-erai aitodiaret nakokinga naka aswam nakotoma naka aisiteteunio naejakai aswam. Itei ijo?

98 Eebo. Koany.

Abu ngesi kotema ebe, "Yesi kidumunitotor Emoyo Lokalaunan ageun nakiyuuniata?" Apotu kesi kotemasi...

Abu ngesi kotema ebe, "Mam isio kijenunitor arai ejai Emoyo Lokalaunan."

Kotema ngesi atiar, "Koipone ali kibatisatere yes?"

Ebalas ebe, "Ibatisatai isio aibatis naka Yokana."

Kotema ngesi atiar, "Ebatisai Yokana aibatis naka aitoronokin, toma aitoronokin, elimonokini itunga aiyuun Ngol, Imerekek, abeit Asubanit abunore, Ejakait Yesu Kristo." Ido nakeiirariata kesi nu, aponi kes kibatisai bobo kOkiror loka Ejakait Yesu Kristo. Kosodi Paul aidokokin kes akekanin kosodete kesi adumun

Emoyo Lokalaunan, kosodete einer kotoma aingajepa ka aidwar.

99 Kolimokinai eong ebe mam ngin erai Naiwadikatai, kosodi aitodikin eong adioiboisit, naponi kibatisaere idiotunganan koipone ece kotoma Aitutuket Nakitetet dimarai Kokiror loka Ejakait Yesu Kristo. Kitodikinai eong.

Agabus Lokalaunan ka luipu, ajaasi ice, luaponi kibatisaikopone kangol aitodol apak naka-naka-apak naka Airiamun nako Nicea, ido nginidiopet kangul aponi kibatisai Kokiror loka Yesu Kristo.

Konye naabunio Aurianet nako Nicea, kerai kes ajaun ka idekesio iuni. Apotu kolemutu Paul... araiboot apotu kolemasi Jupiter, kosodete aisipokin Paul. Apotu kolemasi Venus, kosodete asipokin Mariam. Ajaatar kesi ipitenesio luka idekesio, iponesio kere luka lukalaunak ka nginibore kere, kosodete aiswamaun aibatisao naka imaeta iuni kosodete aitaria luka Protestants. Ido eroko ngul ilikonorete ngin elue.

100 Konye abu Aica naka atibong kwana. Abala enabi ebe

"Ejaun Aica kotoma apak naka atibong."

Ebuni-ebuni araut Aica kotoma apak naka atibong."

Erot loka Aibuses ibuni ijo adumun abeit cut;

Kotoma orot loka akipi, ngin nges Aica lolo,

E nukitai kotoma Okiror loketiai loka Yesu.

Ludidik ka luapolok, itoronokinos akusidiakanareta kere,

Abeit cut elomuni Emoyo Lokalaunan toma;

Adolu Aica naka atibong,

Erai nakabeit ebe Edeke kede Kristo eraas Ipe.

Ijo iyuunit ngin? [Kotemari atukos ebe, "Amen."-Ekewa.] Abala Petero ebe, kotoma apaaran naka Pentekosit, "Kojenun na, mamakus, etogo loka Israel, ebe etarau Edeke Yesu ngopengol, loipotu yesi kibubukisi, Ejakait ka Kristo;" ekokoro lo 16 loka esula lo 2. Eebo. "Etarau Edeke Yesu ngopengol, loipotu yesi ibubukisi Ejakait ka Kristo. Kojen etogo kere loka Israel, ejok cut."

101 Abu eong enerakinos kede Eyudayat pac, kalailo ko Togo loka Daudi, abala ngesi ebe, "Yesi Imo mam yesi ipedorete anyilinyil Edeke toma atutuben auni kosodete ainakin Nges neejai Eyudayat. Ijeni isio adepar nen."

Abu eong katema ebe, "Nges ngipengin kanen, Rabi. Mam isio inyilinyilei Edeke toma atutuben auni." Abu eong atema ebe, "Ijo iyuunit inabin?"

Ebala ngesi ebe, "Cut."

Abu eong atema ebe, "Ijo iyuunit Isaia 9:6?"

Ebala ngesi ebe, "Eebo."

Abu eong atema ebe, "Ingaibo enera enabi nuke?"

"Mesia."

Abu eong atema, "Inyobo ajena naebuni Mesia araut neejai Edeke?"

Abu ngesi kotema ebe, "Ebuni ngesi araut Edeke."

Abu eong katema, "Edolit ngin." Amen.

Itei ijo, nges nen. Itei ijo, mam ijo ipedori ainyilinyil Edeke toma atutuben auni.

102 Arai yes ikalimonokinak kane...Ediopet kotoma kakesi elosi kane nejaas Iyudayan, eyuunit eong, etunganan lo loiboie *kane*. Mam itamakini nepecepe "Papa, Okoku, ka Emoyo Lokalaunan." Ebuni ngesi alimokin ijo katipet, ejeni ngesi neebunitor ngin, "Airiamun nako Nicea." Mam nges ebuni apupokin ngun. Konye kiinak ijo nges angoliar neabu Edeke koraunor akuan, ido Ngesi bon Edeke loejai. Edeke, eraun akuan kotoma aputo naka itunganan kosodi ajar kakidigosiwok, kanu aitalaun oni; alemar awai, tetere Ngesi elopet ebuni kotoma adoketait naka Emoyo Lokalaunan. Edeke Papa, Emoyo Lokalaunan, erai Etunganan ediopet.

103 Abala Ebaibuli ebe kotoma-kotoma aturio nuka ikekeia loaurunere Yesu Kristo, kotoma osula losodit loka Matayo, abala ebe, "Abu Aburaam kouru Isaka. Koruni Isaka Yakob." Ido kinyikokini ngaren kiton

kwap, ebala, kosodi kotoma...Ber eong asiom ngin, kosodi do kwana ibuni ijo ajenun nuenera eong. Matayo, esula losodit. Ido ibuni oni...Kwana ageutu kokokoro lo 18.

Aurio naka Yesu Kristo ekoni ne. Edau Yosep aisiner Mariam totoke, koringa kejanakina, kotakan ngesi ejai akoik naka Emoyo Lokalaunan.

""Edeke Papa""? Ngin esioma kwape kwangin? [Kotemari atukos ebe, "Mam."-Ekewa.] Apotie ikoku Kangai? [""YenEmoyo Lokalaunan.""] E...[Aiboisit naemamei ibore katepu.] Aomit eong ebe Edeke Papa nges Papake? Kwangin do, Edeke, Papa ka Emoyo Lokalaunan, erai Emoyo ediopet, arai mam ajaatar bodo Ngesi luka Papa iare.

Konye ekileke Yosep kineru ainyein nges naarai korai ekiliokit loedolit, komam ekoto aisurum nges ileic.

Konye nakeomoomaa ngun, koany, kitakanikin nges emalaika airujasit, ebala ebe, "Yosep, okoku loka Daudi, sirikiyong aimany Mariam; naarai akepotuun erai naka...

""Edeke Papa""? Huh? [Kotemari atukos ebe, "Mam. 'Emoyo Lokalaunan'"'-Ekewa.] "Emoyo Lokalaunan." Kwangin Ingai bodo arai Papake Yesu Kristo? ["Emoyo Lokalaunan."] Emoyo Lokalaunan. Inyobo Ngin ejai tomakon? ["Emoyo Lokalaunan."] Eebo, Edeke ngol, Papa, da. Biai mam erai? ["Amen."] Abeit cut.

104 Ido euruuni ngesi etelepat, inyarai da ekekiror YESU:...

Edeke Papa lo *kane*, Edeke Emoyo Lokalaunan lo *kane*, ido Edeke Okoku lo *kane*, itei ijo, idekesio iuni ngul. Mam Ebaibuli ebala kwangin. Iburai iarei lu korai ediopet ngopengol, arai mam ajaatar do Ngesi ka Lukapapa iarei. Ianyu? Mam Nges epedori ajaut kede Lukapapa iarei. Ijeni ijo ngun.

Kwana, euruuni ngesi etelepat, ido epote kesi anyara ekekiror YESU: naarai itajari ngesi iketunga kotoma adiaakanaretakec

Kwana iswamatai nu kere, tetere itodolikinoss nuenerit Ejakait kama ejai enabi, kobala ebe, ...epotuni abekot ikoku, ido euruuni etelepat, enyarao ekekiror Emmanuel, akepolou kijulun erai ebe, Edeke ejai kaoni.

Ngol nges esula losodit loka Matayo.

Matayo 28:19, neabalar Yesu ebe, "Kolototo, kibatisaete Kokiror loka Papa, Okoku, ka Emoyo Lokalaunan." Ingaibo Ekiror loka Papa, Okoku, ka Emoyo Lokalaunan? [Kotemari atukos ebe, "Amen."-Ekewa.] Yesu Kristo, ejena ajen.

Kisiom ijo awaragat ace naiwadikatai, ebe, "Ajari John ka Mary kiyalamasi apaarasia kere ekaulo." Ingaibo Yokana ka Mary? Kobongo ber kau nejaas akiro nusodit, kosodi angicun.

Arai emamei ibore kwape kangin, emamei ekiror, "Papa, Okoku, arai Emoyo Lokalaunan," Ingai bodo, Ekiror bodo Kangai ngol? Kobongo kau akiro nusodit kosodi aanyun Loenera Ngesi nuke.

105 Abala, Petero, kotoma apaaran naka Pentekosit, ebe, "Kitoronokinos, kanginidiopet kayesi, kosodete aibatisaun Kokiror loka 'Yesu Kristo' kanuka aisionio nuka adiaakanaretakus." Ajaatar ngesi kapukokinio.

Ajaatar Yokana kapukokinio.

Kerai Yesu nges Apukokinio, abu Ngesi kitolom akekuan cut kanepokane kotoma Nuiwadikatai, "Arai Eong ngol loajai, loejai, ido loebuni, Lokapedor kere." Otukui! Edolit ngin.

Kwana, alemutu ber oni ekokoro lo 7, katipet kwana, eroko oni elomara kinga, katipet noi kwape kipedoria oni.

...Lokapedor kere.

...aile-...aibuses ka ailerit, kiton ikar ka ikar. Amen.

Kosodi...kituluo da oni ajakanut, ka isasedotin luka Edeke Papa, mama ejai ngol kojai abuses ka ailerit, kiton ikar ka ikar. Amen.

Koany apukokinio ngin, eipone loepukunitere? Eipone loabu Edeke...Ekoete itunga akecekwes kosodete airwet ikecetim, ka iboro, atamit ajenun nuerai "Papa, Okoku, Emoyo Lokalaunan" aitolomun iuni, kotoma odiopet.

Mam irwesi ikonitim ka aiko akonikou. Kongolia kuju bon. Ebuni apukokinio kotoma Akuj. Ido edolit ngin. Ebuni Ngesi apukor ebe, mam erai "Papa, Okoku, ka Emoyo Lokalaunan." Erai iyapesin iuni luabu

Edeke kojari kotoma.

Ajai Ngesi toma oyapiesi loka, "Emoyo," Ngesi elopet, naarai etunganan ejai aijesitoi kwap, kwabo abu do Ngesi kiswamau Akekuan, kajar kotomake, kanu aitolomun Akeokot Kelopet; mere kotoma adoteu kwape kejaar kotoma omanikor loka Eden, konye abu kosub akuan nasubuna. Ido kotoma aurunio kanejai akuan naka abekot, abu Ngesi koinak Aokot nuapotu koinakis oni asubanit ka alacakin oni kama ejai amamus aiyuun, kanu aiyuun Nges. Kwangin, iswamai oni ngun, ijaunit oni Nges kotoma otauonowok, erai ngol Edeke kotomawok; Edeke: Papa, Okoku, ka Emoyo Lokalaunan. Ianyu? Enabi, Esasedoti, ka Ekabaka, ibore ngin ngipengin. Eebo.

106 Kwana, ekokoro lo 7, alimoret nges na. Erai alimoret ebe:

Koany, ebuni nepepe kidouon, eanyuni Ngesi nginikongu, ngul kere lukicumete Nges; ibworos atekerin kere nuka akwap kanukeng.

Oo! Apak naetia ai kijaar oni? Ibus ngin kanen. Yesi ipedorete atitingikin idakikan ice akaisau-... akaisarei? [Kotemar atukos ebe, "Eebo."-Ekewa.] Yesi ipedorete? ["Amen."] Eebo. Kwana, do, imoi... Atibong na, ibuni oni aitam aikamun nenice kere nuka *Aitapoet Nako Patumo*, atiibong na. Lolo, ilosi oni angetakin kotoma alimoret.

Oo! Yesi ipupete ejok? [Kotemari atukos ebe, "Amen."-Ekewa.] Yesi iminas Ebaibuli lomojong? ["Amen."] Erai Apukokinio. Inyobo, inyobo ngin? Ijesun Edeke kwap, kotoma Otabo kalo, kosodi alemar aigalisit awai, ebala ebe, "Engol nen: Enabi, Esasedoti, Ekabaka; Papa, Okoku, Emoyo Lokalaunan; Ngol loajai, loejai ido loebuni. Iboro lu kere, Erai Edeke."

107 Kwana, klemas aigalisit awai, idakikan idis bon kwana, kingarakinite Ejakait oni, alemar aigalisit kotoma akonyewok. Kasodete adumun...

Koany, ebuni kidouon;...

Kwana, koipone ali ebunio Ngesi? "Kede idouon." Idouon luka eipone enyoin? Idouon luka aibuses. Mere ediopet kotoma idouon kalu, luegirosi, konye idouon luka aibuses.

Ibuni ijo asesen eipone loka idouon lualukakinitali Nges toma neabu Petero kede kwi koanyuniata aitapoet komoru Lokalaunan, abu edou korapia Nges. Abu aKenapito kiliacau. Aponi Nges korapiarai kede edou, apedor naka Edeke.

Oo, idolokini oni nen, kangina kotoma aturio kanu nuka ekanisa. Ajai eong alimokin ijo, ikidikidi ngin ekatunganane lokotoma, aomoom nuikamunitos ngin. Nuebuni aKebunore...Aseseni eong apak na naijaria oni, naemameor idiobore, emamei amun naideuna dimarai Abunoreke.

108 Kwana ibuni alemun na katipet. Kwana kiitu.

...eanyuni nginikongu nges,...

Kwana, mam ngin arai Auruporio, apak ngin, arai tope? [Kotemari atukos ebe, "Mam."-Ekewa.] Ianyu? Mam arai Auruporio. Mam arai Auruporio. Inyobo ineratar Ngesi kede? Abunore nakiareit.

...ka ngul da lukicumete Nges: ibworos atekerin kere nuka akwap kanuKeng.

Kwana ibuni oni abongor kau kasodete alemun akiro adis nukolosek. Abongosi ber oni neejai Sekaria, kasodete alemun esula lo 12 loka Sekaria. Sekaria. Eebo.

"Ido kiyatanakini ejakait toma okanisa nginipaaran ngul luetajario." Eipone lokiyalamar oni kanuka apukokinio najokan naka Yesu Kristo! Yesi mam iyalamasi kanuKeng? [Kotemari atukos ebe, "Amen."-Ekewa.] Kwana, ibuni oni aibwaikin nu toma aput naka eitabo katipet noi kwape kipedoria, nejaas itunga, kosodi ijo ajaun kede ngol, aisiom ngol kotoma agolakon naililingi ka iboro, kosodi aisisia ngin, ijo elopet.

109 Eebo. Sekaria, Sekaria, esula lo 12 kwana loka Sekaria. Ido ikoto oni, ayangar na cut kelipite neteni kwana. Ido akoto eong alemun na kanuka aibuses naka Edeke. Kwana Sekaria 12, kageutu kokokoro lo 9. Kopupok ejok kwana. Inera ngesi nuka Abunore. Sekaria 12, ido igeuni oni kalo 9, kotoma okokoro lo 9.

Kosodi kanen...

Sekaria, edwari, ikar akwataongon ka akaisakanyauni ka lukanyaareit eroko abunore naka Kristo.

Kosodi kanen kapaaran kangin amoi eong amudiar atekerin kere nuepote asurokin Yerusalem. (Koomoom nuikamunitos ngun.)

Ido abukokini ekek loka Daudi, ka kere luiboiete ko Yerusalem, emoyo loka asianut ka loka aingainga; esesenete ngol loapotu kicumata...

110 Kwana, iwori bo ebongoriata Akiro Nukajokak nejaas Iyudayan? Kengetakin apak naka Imo, ekapakina Akiro Nukajokak, alosit nejaas Iyudayan. Oo, apedori ti eong, karai ti eong apedori adwarakin ijo ibore yeniburit aiswamaun cut kane, itei ijo, cut kotoma apak kana. Itei ijo? Iburit aiswamaun. Idumuni oni ngun kotoma Atur naka Ekanisa. Ido ibore yen yenapolon iburit aswamaun, ebuni alosit kiton Apukokinio 11 kosodi alemun inabin ngul iarei, Eliya ka Musa ebongorete bobo kanuka Iyudayan. Ikapakina oni kanuka ngin. Nginibore esipo kotoma ainapeta, ekapakina. Aisiiraret na naka Imo, kwape apotu Iyudayan koyangauniata ngin nejaas Imo, epote Imo ainyakar ngin cut nejaas Iyudayan bobo. Ido ebuni Auruporio.

Kwana kiitu, na naebunit, akaulo naka Ican luipu...Mam Ekanisa itori Ocan luipu. Ijeni oni ngin. Ebal Ebaibuli kwangin. Ianyu? Eebo.

111 Kwana, ebukokini ngesi togo loka Israel, (Inyobo?) Emoyo Lokalaunan ngopengol, itei ijo, kedau Ekanisa loka Imo alosit.

...ido esesenete ngol loapotu kicumata: ibworos nges, kwape ibworor itunganan okokuke loteluna, ekudiani nges, kwape yenekudiani ekiyaike.

Ido kotoma apaaran kangin ejaun...aibworo naepol ko Yerusalem,...kwape aibworo naka kadad-rimon kaditot naka Megidon.

Ido-ido ibworos luka akwap, ngolikek kowaik; ekek loka etogo loka Daudi kowaik, ka...ekek loka etogo loka Natan kowaik, ka ngolikek kowaik; (neanyuniata kesi, inyobo eswamaun, inyobo ebuni aiswamaun naebunio Ngesi kotoma odouon luka aibuses, kotoma atakanuniKe nakiareit.)

Ido Iyudayan ngul luecumete Nges...Ijeni ijo, ebal ecekokoro ebe epote kesi aingit Nges, neadumakini Ngesi amusungun ngun.

Abu Ngesi kotema ebe, "Togo loka ipaperoka."

112 Ido mam bon ebuni araut apak naka ebworo kanuka Iyudayan luapotu kongeroto Nges, kwape Mesia, konye ebuni araut apak naka eibworo kanuka Imo kangul luideuna kokau kangina, luacamutu... luangereto Nges kwape Mesiakel loka apak kana. Epote kesi elulu ka eibworo. Ebuni abekot naejotoi elulu. Ngol nges ekanisa ngol loabu konger adumun Akinyet kotoma atalake. Ajaas abekono atomon nuapotu kolototo, kere itunga lukajokak, konye akany kotoma kakesi ajaatar kAkinyet kotoma atalakek. Akany nuce araas itunga, luajokuka, konye abu okuruok adumun Akinyet kotoma atalakek. "Ido aponi kes kocakarai kinga toma amuton neajai aimony, elulu, ka airiamanakin ikel."

Ikoni neta, "Epote kesi elulu." Abala Ebaibuli kane, "Epote kesi elulu, ido ilwaruna noi kiton karaida..."

113 Kane, abuni eong ainakin ijo ece, Ageun 45, arai ikoto ijo adolokin neejai ngol. Adolokis ber oni neejai ngol ipak edit kasodete aisiom kotoma Ageun, e...eyuunit eong, esula loka 45 loka Ageun. Akoto eong alemun na kane, Yosep itejenikin nejaas ike-iketunga. Ido ibuni oni adolokin nejai na, aitoduun aitupuseta nuka nuepote aiswamaun kotoma apak kangin, kasodete do oni aimorikikin ngun nepepe.

Kosodi ekurwoki Yosep aitik etauke kakonyen nuka...ngul kere luawoete aapu kanges; kiworo kotema atiar, "Kitolomasi nginitunganan konyout...kaneajai.

Kwana kiitu, Yosep, itejenaar elopet, abu ngesi kiworo, "Konyout nginitunganan kaneajai."

Ido komamuun itunganan yenabwoi kaneajai ngesi, naalimoror Yosep koinacanake.

Kodelo noi, kiiras Imisirian, kiira da etogo loka Parao. (Iburai nges kilulukite noi.)

Kotema Yosep ikeinacan atiar, "Eong Yosep; eringa papaka ejari?" Mam iinacanake apotu kobongokis nges; naarai eyalongongoete kakonyeneke.

Kotema Yosep ikeinacan atiar, "Kikunyutu...neajai, kengaingaito." Kikunyakis. Kotema atiar, "Eong Yosep oncekus, loipotugogwelasi tape kayaunio Misiri.

Natikwana sirikiikadakis, karaida anyunyurikin kotaunokus, kanukigwelariata tape kayaunio ne: naarai abu Edeke ketiling eong aitajar yes. (Oo, eipone loibusiar!)

Adau ebeli kotoma akwap ikar iarei: ido eringa esalito ikar ikany lumam ekoriere karaida asakia.

Ido Edeke nges ketiling aitajarikin yes ipapai kotoma akwap, aitajar da yes araut erionget loepol loideun

114 Eong kalem kwana kasodi aituput kwana ngin kede Sekaria, lo 12, kanu apak naedit. Kwana, ijeni oni ngun, kotoma aitupuset. Arai isisianakini ijo kaitupuseta, ibuni duc ijo adumun ngin ejok, aomit eong, kotoma-kotoma aitupuset.

Kwana, Yosep, nakeurunere nges, aponi nges kongarunai ikeinacan. Ngini edolit? [Kotemar atukos ebe, "Amen."-Ekewa.] Kwana akoto eong aitodikin yes, Yosep ebwoikinit Ekanisa loilelebas kede Emoyo. Angarasi Yosep ikeinacan. Kanukinyo? Naarai emoyoikit ngesi. Mam Yosep apedori aswam idiobore naarai aanyununei duc ngesi aitapoet. Amamei ibore yenepedori ngesi aswam naarai erujaenenei ngesi airujasia, itei ijo, ido apedori aijul airujasia. Ngol, loajai nges ajai tomake. Mam nges apedori aitodiar idiobore kere dimarai ngol loajai tomake. Eebo, kosodete ikeinacan angaran nges, komamei akirot. Konye papake amina nges, naarai arai papake enabi.

Koany eipone loajaar kede Yesu? Amina Edeke OkokuKe. Konye iinacan Iparisayon ka Isadukayon, angarasi Nges, naarai apedori Ngesi aitangal luadekak, ka aidwar iboro, ka asesen aitapoeta, aijul. Ianyu ijo nuapeleikinit eong? "Angarasi Nges, komamei aronis."

115 Ido inyobo apotu kesi kiswamaikis Yosep? Apotu kisoswaikisi ebe abu ngesi kotwana, ido kocakakinis nges toma aipany. Kosodete ayangar ekooti loeledileda aokot, loka iriagin ikanyaare, papake ngol...

Ejaas iriagin ikanyaare toma otaluka. Ido etaluka, ijini oni inyo, ebe kibuni adolokin ngun ekaulo mot, aomit eong, atibong na. Etaluka kokujuKe kane, Yesu, kakai bo, kotakani Ngesi bala amoru naka Yasper ka naka sarudio, ka etaluka." Etaluka erai aitutuket.

Ido arai ngin aitutuket naka Edeke kanejai Yosep. Kosodete kesi ailediled aokot okootike, kosodete ainyakar neejai papa. Ido abeit ngesi atwanare. Ido...

Konye aponi nges kitonyounai kinga naka aipany kosodete aibwaikin toma a-a...agwelar neejai Parao, ecetunganan kotoma Misiri, kosodi lokapolon kotoma ajore aidar nges. Ido naeswama ngesi ngun, nges, abu ibore yenaronon kobunok nges, kocakakinete nges ojera. Ido kangina abu ngesi kodwar, kosodi alimokin itunga iarei neabeit ediopet alosit ka neabeit loce alosit; ekalian ebino lokapolon ka e-ka ekenoman emugati, kanuikamunitos airujasitikec.

Kosodete nges aitopolor kangina, kiton akan nakoteten naka Parao. Ido amamei itunganan yenapedori atiror Parao dimarai bon kitorite nejai Yosep. [Aiboisit naemamei ibore katepu-Ekewa.]

116 Inyobo yen. Kwana, e...Neaponi kogwelarere Yosep apakio kangun laije Misiri. Ido, kosesen, nginibore kere yenabu ngesi kiswama etupusit Kristo. Kosesen ber ijo ekalian ebino lokapolon lo ka ekenoman emugati lo kotoma kangina, ido apotu kesi kere kodumutun airujasia. Kosodi Yesu, neajaar ngesi aidaris. Kiiitu ebe, ajai Yosep aidaris. Ido nakejaar Yesu aidarisike, (biai?) imakakitai omusalaba, ajai ediopet loaponi kitajarai kosodi ediopet amudiar. Yosep, neajaar ngesi aidaris, aponi kitajarai ediopet, komudiarai ediopet.

Ido koany konyet. Akaulo naalemare Yesu awai naka emusalaba, aponi Ngesi kitopolorai toma Akuj, kosodi aiboikin akan nakoteten naka Emoyo lokapolon, Yawe. "Emamei itunganan yenepedori abunore neejai Edeke dimikito kitor neajai Eong." Emameete nuka Ayogan Mariam, emamaei loisirerengitai lo arai loisirerengitai ngol. Konye, kotoma Yesu Kristo, "Ekapuron ediopetebon, loejai kiding Edeke kede itunga," akuan ngin naketiai naabu Edeke kidukur toma kakidingosiwok, loabu koyanga Ekiror loka Edeke. Kosodi Edeke ayangar ekiror loka etunganan. Abu Edeke koyanga...

117 Kosesen ne. Kotoma ageunet, neabu Adam...Mam eong apedorit aikunyar awai kanejai ngin. Esubit bala mam icetunganan ajai amisiikin Ngini, kanenice. Koany. Kotoma ageunet...Eong ketodik ijo icebore bobo. Ikwenyarit eong Emoyo Lokalaunan aswam nu. Ajai ajalakin akakirot ipak edit. Neadolunatar iyemuto lusodit toma Aibuses, ebe aolio okoku, Adam, Edeke abu kijuk Emalaika? Ngesi abu kijuk okoku? Ngesi abu kijuk idiotunganan ice? Abu kobu, Ngesi Elopel, kanu alakun okokuKe loaoliorit. Aleluia! Mam Edeke abu komunokinor ngin imodiotunganan dimarai Nges Elopel. Abu Edeke koraun akuan ido kibiororoi kakidingosiwok, kosodi alakun etunganan, Ngesi Elopel. Erai... "Kitajaritai oni," abala Ebaibuli ebe, "kanuka Aokot nuka Edeke." Loetwani, Edeke arai...Edeke lomam etwani aponi kitaraunai loetwani, tetere elemari adiakar awai, kanu araut Imerekek, Nges Elopel; kanu alomar toma Aibuses, kimukoro, ido kAokotoke Obe koingareneKe, juwai naka aigalisit.

118 Kwana, Yosep, laije Misiri nges abu ngesi kolot. Ido kangina aponi kitopolorai nges anyoun kaidarisike, kiton akan nakoteten naka Parao, kosodete aitarauan ekedaran. Ido nginibore kere abu kokerianar kotoma apaarasia nuka Yosep.

Kwana, apak naebongunio Yesu, karaida amodingot ebuni aibwang kwape aturot naenyaritai rose. Erai Ngesi Okoku loka akarianut, aitupuset naka Yosep.

Aponi kibwaikinai Yosep toma...Abu ekapolon loka ajore kidar nges kotogoke; nginibore yeneswamai ngesi akarianar. Aponi kibwaikinai nges toma aidaris, ido abu ejera kere okerianar. Ngini kere yeneswamaete kesi, akarianar. Ido naetopolorere nges, lokapolon kakere, loka Parao, loatupit Parao, kanginibore kere kotoma Misiri abu kokerianar adepar idiobore kere kotoma akwap.

Nakebonguna Ngesi, ebuni araut akwap naka akerianut. Epote amodingo numojong aibwang, ido epote inyamat ajaun aiboisio kere. Ido ipedori oni, nginidiopet, aiboi kokwap naka ekitoi loka etiini, kasodete akiena ka alakanar, kasodete aijar apaarasia kere kotoma AkonyeneKe, ido naebongunio Ngesi kwape Ekabaka.

119 Arai Ngesi Okoku loka etunganan, Enabi. Amen. Arai Ngesi Okoku loka Etunganan, Asubanit, Esasedoti. Erai Ngesi Okoku loka etunganan, kwape Ekabaka, Okoku loka Daudi iboie koicolong loka akabakanutuKe. Okoku loka etunganan, erai Ngesi-...Abu Edeke kitodiar kwape Okoku loka etunganan. Abu Ngesi kobu kwap kosodi araun etunganan, kanu alemar adiakar awai kotoma akwap. Abu Ngesi koraun etunganan, kwape Enabi. Abu Ngesi koraun etunganan, kwape Esasedoti. Koraun etunganan kwape, Ekabaka; Ekabaka loka Akuj, Ekabaka loka lukalaunak, Ekabaka lomam Edaun; arai duc Ngesi Ekabaka, abuni duc araut Ekabaka, Ekabaka lomam Edaun.

120 Kwana koany, kosodi do, Yosep. Eroko Yosep kenyouno alosit, ajai akutakin arupepe, nasodit. Kosodete itunga elulu, "Kokukokinos akungin kwap kanuka Yosep." Mam ace nuajai itunganan aswam, arai agwelanari ngesi iboro korot, nakeruikina arupepe ngin, akukokin ngesi kakekungin. Karaida akapakina itunganan aijaun ikesirigin, konye ajai nges akukokin akunginike, abunit Yosep. Oo! E...karaida ajai ekabolian ekapakina aitodiar akebolia, ido inyobodo tikiswama ngesi? Ajai nges abwoun. "Ebunit Yosep." Aruiki arupepe.

Adiopet kotoma apaarasia kanu, kanginibore, karaida apak, ebuni aibwoun. "Naeruikina arupepe naka Edeke, kosodete lukatwak kotoma Kristo ajarun, kosodi atupuruc Namam edaun aiwalar, kiliacai ido kojok." Kanginibore kere ebuni akukokin akunginike. "Kanginikung ekukokin, ido kanginingajep elimori Ngin."

Kogeu kwape kwana. "Adiakanareta nuka icetunga egeikinete ngaren, ace etuparete."

121 Konye kwana koany nuapotu kiswamaunos. Eipone loibusiar! Neabu Yosep kapaarasia kangun...akaulo na nges adukokin kede Amoit ka adumun da ekal, Epuraim ka Manase, itelepaik. Ijo abu komisiik kotoma angeset? Neabu Yosep...abu Yakob kogeu aisirereng Epuraim ka Manase. Neageuna ngesi aidokokin akekanin, abu ngesi kibwaik Epuraim akan nakoteten, ka Manase kediany, kanu ainakin arereng naka akan nakoteten nejai lokapolon. Konye napekegeari ngesi ailip, apotu akekanin ijulakinos, kosodi ngesi ainakin lodidi arereng naka akan nakoteten aiboisit naka ngol loajai akan nakoteten.

Kosodi Yosep atemar ebe, "Mere kwangin, Papa." Ebal, "Ibwaik ijo arereng nejai Manase aiboisit naka Epuraim."

Kosodi ngesi atemar ebe, "Ejulaki Edeke akakanin."

Inyo? Anyoun kanejaas Iyudayan, luapolok, lusodit luseuna luka Edeke, kotoma omusalaba kobonguni arereng nejaas Imo, kanu alemun Ateran. Abuni arereng kotoma Omusalaba, ageun kanejai Eyudayat kiton nejai Emoit. Kongeroi, apotu kesi kongeroto Emusalaba, kanuka ngun abu Ngesi kolek Ateran na Amoit.

122 Kwana neabu Yosep, eroko nu, nake...iirariata nges ikenacan, lua...Amamei lem kes eidicane adaun ikar luipu, Iyudayan.

Kwana koany. Ibongori kwana oni neejai Sekaria, neemonyiata kesi, ka ebworo ka elulu. Ido karaida ikalia etiakunos kama ejaas ikalia ice, alosit kinga, kobalas ebe, "Koipone bo ali kipou oni keswamata ngin? Koipone bodo ali kipou oni kapedoriata aswam ngun? Naketemariata kesi ebe, "Aibo kidumakini Ijo amusungun ngun, aromwa ngun kotoma akaninikon?" ngul da lukicumete Nges. "Ebuni Ngesi kodouon. Ido epote kesi aanyun Nges, ngul da lukicumete Nges. Ido ebuni ngolik alibworo, ido epote elulu." Mam kes epote ajenun nuebeit aswam.

123 Ido neabu Yosep...Ijenete yesi akiro ngun. Neanyunia ngesi ikeinacan, kosodi ngesi aisub bala mam nges apedori einer Aburarian, kosodi adumun ekejulan kanu aijulanakin nges. Kosodi ngesi asubit bala, mam nges ajeni einer Aburarian; konye akoto ngesi ajenun. Kosodi neabu ngesi awasiake, apak adiopet, neayangauniata kesi onaceke lodidi, ido ijo ibu komisiik? Arai Benjamin nges abu kinokok akim otau loka Yosep?

Inyobo ngin, lolo, elosi ainokokin akim otauKe, Yosepu wok, Yesu? Ekanisa ngol lodidi loajai kwap laije toma Iran ngina, loericit aicorakineta nuka Edeke. Ido erai itunga lueuruunitai lukitetiak luetukokina Palestine, ido enyakakin kes bobo. Acerit naka iwaitin ikanykape naka Daudi, emedera loemojongit kakere kotoma akwap, auroun akwap kotoma okaru idis luatuboros. Israel ngin.

Atiakatiakaunos akwapin ejai Israel akwenyun,

Aanyununeta nuadwarit Ebaibuli;

Ekidiokoto apaarasia nuka Imo, ileleba aridakinio;

Obongosi, Wu luimwangitai, buku.

Eyapie apaaran naka alakunio,

Epirisarios itauon luka itunga kanuka akurian; (Kosesen ngin, kesi kere ijangakina akwes.)

Kilelebunos kEmoyo, konokiete akusitalai ido kocaete,

Kosesenete kuju, eyapie akusilakunio

Esabete inabin lukengalak, angeroto Abeit naka Edeke,

Ebe Yesu Kristo nges Edeke;

(Aibuses! Konye abu Apukokinio.)

Aso ibuni oni alosit ketoritos okukut luka ikiyakia, (Cut kotoma aiboisitikec kangipekangin.)

Naarai eyapie Apaaran naka Alakunaio,

Epirisarios itauon luka itunga kanuka akurian;

Kilelebunos kEmoyo, konokiete akusitalai ido kocaete,

Kosesenete kuju, eyapie akusilakunio.

124 Oo! Oo, Yosep, neanyunia ngesi Benjamin yenididi ebwoi kanen! Ngol nges onaceke loddidi. Ianyu ijo Benjamin yenididi kwana kokuju...?...kokuju kalaingol, iboie kalaingol kanen? Atekerin nuka-nuka akwap, nuka Iyudayan, abongosi ngina neejaunos ilukumin akwatat akaisaongon ka luongon kakesi ebwoete kangina, kanu aijaun Kristo naeanyuniata kesi Nges Ebunit. Epote kesi atemar ebe, "Koany, erai lo Ewokodeke Lokidarit oni ilem." Kwangin eanyunete do kesi amusungun... "Aibo aponiata nu?"

Abu Ngesi kotema ebe, "Togo loka iKapapero."

Ido epote kesi elulu ido epote aimony. Ngolikal, atekerinikec nuka Daudi ka Naputali ka kere, etiakatiakaunos, ngolikal, kosodete aimony kesi ikulepek naeanyuniata kesi Ngol ebwoi kotoma apak, ido Ngol loapotu kesi kicumata.

Inyo bodo ebuni Akesiiraret araut? Kosesen nuabu Yosep kolim. Neabu ngesi kotemaria ebe...

125 Koany icebore. Neabu Yosep koyangaunia idwe iingarenike, abu ngesi kosesen kes, abu ngesi koany Benjamin yenididi. Abu ngesi koany Epuraim, abu ngesi koany kes kere, Gad ka kes kere. Ka atekerin atomon apak kangin, ebwoete koingareneke. Abu ngesi kosesen kes kere ebwoete kanen. Ajeni ngesi ebe araas ikeinacan. Kosodi ngesi asesen Benjamin, katereikin, ogeuni ekeporoto aisikakin. Ajeni ngesi ebe araas ngul luke. Inyobo abu ngesi kotema? "Konyout itunga kere kaneajai." Inyobo abu kiswamaikin akeberu ka idwe? Apotu kesi kolototo ore loka ekabaka.

Aibodo ebuni Ekanisa loka Imo alosit kotoma Auruporio? Toma togo loka Ekabaka. Ateran, Aleluia, eponio ateran alemar awai kotoma akwap, kotoma Auruporio. Kosodi do naebongunia Ngesi, emamei Aketeran kanen naitejenikinor Ngesi ikeinacan, Iyudayan, ngul luapotu kicumata Nges, ngul luapotu kongeroto Nges.

Konye Akeberu ka luminanaKe, iKepapero lukodie, ike-ikepaupa obe lujukunit Edeke lukejaatar kotoma oyekalu.

126 Ido neangoliaria ngesi, abu ngesi kotema ebe eraas kesi...Mam kesi ajenete. Apotu kesi kotemasi, "Oo, ekabaka lo loapolon!" Ogeunete kesi atemanar, idiopet ka yenice, oo, nuka iboro kalu lueswamatos kesi.

Acamunit eong ebe arai Epuraim, konye emuroki eong ebe arai ingai kwana, loabu-loabu kotema ebe, "Eebo, mam ebusakinit oni aiyar onacewok, Yosep." Ebalas ebe, "Itei ijo, ijai oni aitac," Reuben, abu Reuben kotema ebe, "Mam ebusakinit oni aiyar onacewok," ebalas, "naarai, itei ijo, ijai oni aitac nuapotu oni keswamata."

Ido kobwoi Yosep kanen; mam kes aomitos bala apedori ngesi aijen Aburanian. Konye ajeni ngesi.

Ice eomitos, mam epedorete einer...amisiikin einer kotoma angajepa, konye ejeni Ngesi kere nuikamunitos ngun. Eebo, ejeni. Abu Akabakanut naka Imo kobu kede einer kotoma angajepa ka aijul, kotoma akou naka esabu (akou nasodit) eroko kibiroro. Inyobo abu kongetak apak naka Imo? Aiwadikaet naka angajepa numam ejenas kotoma arwatat, ido etunganan ngol apedori aijul ngin ka alimun nuarai ngin. Elomari kinga koipone kangopekangol. Amen. Abu koloma toma ido elomuni kinga koipone kangopekangol.

127 Apotu kesi koomitos ebe mam nges ajeni angajepa ngun nueneras kesi, konye ajeni ngesi ngun. Apotu kesi kotemasi ebe, "Koany ber ijo nuijaatar oni?"

Kosodi Yosep keanyu kes epodonokinos kanuka nuapotu kesi kiswamata.

Eipone loesesenia Ngesi akeceiturur ka aitung kanu ainger Nges, aso agit kwana Nges eporotoKe. Ekapakina kwana Ngesi aitwar Ekekanisa kotoma akwap, ayangar Ngin toma Aibuses. Kosodi abongun, kosodete do atekerin kere nuka akwap aibworo.

Inyobo apotu kesi kiswamata? Reuben, kere kes, apotu kogeutu aimony, kobalas, "Oo! Oo! Apotu kokuriakaros kosodete atemar, "Ngesi lo. Kwana ijeni ebe itacakini kwana oni kanuka ngun. Kwana ebuni ngesi aiyar oni. Kwana nges...Ijeni kwana oni ebe ilosio oni amudiar kwape kwana, naarai erai ngol Yosep lo lem ejai neelwana kamawok adaun aojau. Erai ngol Yosep, onacewok, kwana ikamunitos teni do oni akiro kanuka ngun."

Abu ngesi kotema ebe, "Mam inyunyurikonos bonik. Abu Edeke iswama nu kanu ayuar aijar

Inyobo abu Edeke iswama? Kanukinyo angerioto Iyudayan Yesu? Teterere oni Imo, teterere, ebe, itunga luabu Ngesi konyarau kinga kanuka Ekekiror, abu Edeke iswama ngun kanu ayuar aijar naka Ekanisa loka Imo, Ateran.

128 Epote atekerin kere nuapotu kongeroto Nges abworo. Epote kesi aingop kotoma abuaik, ka toma omor, ka iboro, kobalas ebe, "Aingop, kibirokinos isio, imor." Apotu kesi kongeroto Ngin, Nges. Kere eboiororok luka akwap epote abworo kanuKeng. Ido ngolikal loka Israel etiakatiakaunos. Etiakatiakaunos ikalia, ediopet kama ejai loce, ido kobalas ebe, "Inyobo ainakini oni iswamai ngun? Koipone ali kidolokina oni ainger Nges? Koipone ali? Engol ebwoi kanen. Edeke ngol loidarit lem oni ebwoi kanen. Ido Nges ngol, kede aromwa nuka isumalin kotoma akaniniKe, ido apotu oni keswamata ngun."

Ngupengun cut bec nges apotu inacan kwi kinerata kangina, neabonguniata kesi kosodete atemar ebe, "Yosep ngol, loapotu oni kagwelasi."

Abu ngesi kotema ebe, "Arai eong Yosep, onacekus, loipotu yesi kogwelasi Misiri."

"Oo!" Akuriaka kesi. Ido ebworos kesi ido kiluluete, ido okerete ediopet nejai loce, "Inyobo ebeit oni aswam?"

Abu ngesi kotema ebe, "Mam inyunyurikinos kanukus, naarai Edeke abu iswama nu kere. Abu Edeke ijuk eong iingaren alingakin."

129 Edeke asubi itunga kere; itunga luakwangak, itunga luriokok, itunga luarengak, itunga ludosoik, kanginitunganan. Edeke esubit nginitunganan. Nges asubi Imoit, Nges asubi Eyudayat. Nges asubi kere. Eraas kere kanuka Akeibuses. Ido ajai ber aigir Iyudayan teterere elemunio Ateran Namoit.

Ngin nges apolou ejaatar atekerin kere. Kwangin Ateran Namoit ka aKeur kede nges, Ekanisa ngol lokaibuses loka pentekosit loilositai kede Aokot nuka Imerekek, kede apedor kere naka ajarun naejari kotomakec, epote ajarun acepaaran kotoma Auruporio (kotoma airwakakinet naka akongu) kanu alosit ajaun Akonyen nuka Yesu, kwape kebongoria Ngesi (kosodi Ngesi aitwar nginibore kere) aitejenikin nejaas Ikenacan.

130 Kosesen nuebalas Nuiwadikatai kane, kotoma agolokin. Oo!

Koany, ebuni Ngesi kotoma odouon; ido eanyuni nginikongu kere nges, (kwana inera Ngesi nuikamunitos abunore Nakiareit, mere Auruporio), ido ngul da lukicumete nges:...

Esula lo 7, ekokoro lo 1...araibo, ekokoro lo 7 esula lo 1.

...eanyuni nginikongu kere Nges, ido ngul da lukecumete Nges: ka eboiororok kere luka akwap epote elulu kanukeng. Eebo, Amen.

Kosodi Ngesi ainakin alimunet naapolon. Ingaibo Lo? Ingaibo Lo loebait kes alosit amoot?

Arai Eong Alupa ka Omega, arai Eong A ka Z, (A ka Z naka anyukutan nuka Ayonanin)...

131 Aswamasio 2:36, e...Abala Petero, "Emamei bobo ecekiror kokwap naka Akuj loibusakinitor itunga aitajario." Arai, mam, kitimoi eong; atakunit eong ngin awai. Abu ngesi kotema ebe, "Kojen etogo kere loka Israel kabeit, ebe etarau Edeke Yesu lopelo, loipotu yesi kibubukisi, Ejakait ka Kristo da."

Yokana 14:7 ka 12, abala Tomas ebe, "Ejakait kitodikinai isio Papa, ido idauni isio."

Ebala, "Ajai lem Eong kede yes, ido mam ijo da ijeni Eong?" Ebala ebe, "Ngin yenaanyu Eong aanyu Papa. Kanukinyo ibalar ebe, 'Kitodikinai isio Papa'? Eong kede Papa irai Ipe."

Abu eong alim ngun apak adiopete nejai itunganan. Abu aberu kotema ebe, "Mot ber, Ejkt. Branham." Ebala, "Ijo kede akoniberu iraaas yesi da ipe."

Abu eong atema ebe, "Mere luka eipone kangol."

Abu ngesi kotema ebe, "Kitimoi ber ijo eong."

Abu eong atema ebe, "Ijo iseseni eong?"

Ebala ngesi ebe, "Aseseni eong."

Abu eong atema ebe, "Ijo iseseni akaberu?"

Abu nges kotema ebe, "Mam."

Abu eong atema ebe, "Akepolou, itegelikina ngun aarei. Abala Ngesi ebe, 'Kianyu ijo Eong, ianyu ijo Papa.'" Kwangin elosikina ngin kanuka ngun.

132 Aso kotoma Yokana Lokalaunan, arai Yokana Losodit 5:7 kiton 8, abala Ebaibuli ebe. Ekeneran, etunganan ngopengol loewadikai Apukokinio na nainakini Yesu nges, abala ngesi ebe, "Ejaas iuni lueraas ikajenak kotoma Akuj: Papa, Akirot (Akirot nges Okoku)...Papa, Akirot, ka Emoyo Lokalaunan, ido iuni lu eraas idiopet. Ejaas ikajenak iuni kotoma akwap: akipi, Aokot, ka Emoyo, ido ecamanara kesi; mam eraas idiopet, konye ecamanara kesi kotoma obore idiopet."

Mam ijo ipedori ajaut ka Papa komam ijaatar ka Okoku. Mam ijo ipedori ajaut ka Papa arai ka Okoku komameotor kEmoyo Lokalaunan. Eebo. Konye ijo...Ido akipi, Aokot, ka Emoyo, ngul kes iboro luekoto kojaas kanu ijo alomar toma AkuanaKe.

Naetakanunia aurio naka akuan, inyobo ibore yenisodit aiswamaun neejar aberu aidoun ikoku? Ibore yenisodit, nges akipi. Yeniareit, nges aokot. Ngin edolit? Ibore yenetupakini, erai akipi. Ikamuni ikoku ekeiyengane, kogeuni eiyeng. Akipi, aokot, ka emoyo, ngul kes iswamaunitos aurio naka akuan.

Kwape kwangin da, Aurio nakomoyo. Aibatisao naka akipi kotoma Okiror loka Yesu Kristo; aitojokio kanuka aiyuun, aiyuun Ejakait Yesu Kristo. Akipi! Inyobo etupakini? Aokot; aitalaunio, atesegario, alemun ngin kinga.

133 Erai nen nges ipotu yesi itunga luka Nazarene kibirorotor; ipotu yesi kolototo neelwana kwangin ido mam apotu kiyatakis alosit iingaren. Ibore yenitwasama yenitalaunitai kolutaari, yenekapakina kanuka aijaanakin, konye komam ber ejai toma aijaanakin. "Isirerengittoi ngul," alimununeta nuka Yesu, "lueriebi etengei ido kojakite akure kanuka adolit, naarai isimonikinio." Etalaun ibore yenitwasama. Abeit ngin.

Erai ngin kwape bala abekot. Akirot *abekot* akepolou "naipiororoi, naelaunit, mam emunara, italaunitai." Akany ajaatar akinyet, ido akany amameotor; akany elelebitai, ido akany nuce kwa apotu bon kosalakisi toma aitalaunio. "Yesi idumunitotor Emoyo Lokalaunan anayoun nakiyuuniata," yesi luka Baptist, Presbyterians?

"Mam isio kijeni arai ejai Emoyo Lokalaunan."

"Ibatisatai bodo yesi aibatis anyoin?" Uh-huh.

Akaulo na nges aidokokin akekanin mamakec, aponi do kesi, akaulo naka aitajario ka aitalaunio da, aponi kes kilelebai kede Emoyo Lokalaunan. Eebo.

134 Akipi, Aokot, Emoyo! Abu Yesu kobu aitalaun ka aitesegar, ka aitalaun Ekanisa, tetere Nges ebuni kosodi aibokin toma. Kede Akeokot Obe; abu Ngesi koinak Akeokot Obe nueurunit-Edeke, tetere Ngesi itesegaari oni kotoma auriowok naka ekiliokit aiteper aberu, kosodi ainakin oni ibore yenitalaunitai yenikalaunan tetere Nges elopet ebuni.

"Apak edit, mam akwapin eanyunete Eong bobo; konye kianyunete yesi Eong naarai Eong," alimunet naka itunganan, "Abuni Eong ajaun kede yes, tomakus da, kiton awasia naka akwap." Amen. "Apak kere, abuni Eong ajaun kede yes ido tomakus. Aswamisio nueswamai Eong iswamaete yesi da. Etupakinete aanyuneta nu ngul luyunete." Edeke kotoma Okanisa! Oo, ikatunga! Eidekeone! "Ejaas ikajenak iuni toma Akuj: Papa, Akirot (Okoku), Emoyo Lokalaunan. Eraas Ipe."

135 Kwana, ipedori ijo aitajaruna komam italaunitai. Ipedori ijo aitalaunio ido komameotor kEmoyo Lokalaunan; cut, emoyo loitalaunitai komam ilelebitai. Aitalaun ekonitau, aitesegaar ekonitau, komam ilelebikinio nges kede icebore. Ngun kes abala Ngesi, "Naenyounio emoyo lomam elai kaneejai itunganan, elosi aiboisio nueokitos. Ebonguni, edumuni eketogo italaunitai, kosodi alomun toma. Ejautene loka itunganan kangin lokawasia erono noi irwana nuipu, irwana akanyaakaari, adepar losodit."

Ngun kes apotu kiswamaikinos luka Pilgrim Holiness, Nazarenes, ka ice da. Ipotu yesi kocamutu. Ido

neabunio Emoyo Lokalaunan, ageun einer kotoma angajepa, ka ainakin aanyununeta ka nukaumokin da, ipotu yesi konyarata ngin ebe "ajokit" kosodete ainyanakin aswamisisio nuka Edeke, konyarata ebe, "ibore yenimam elai." Ido ianyutu yesi neadol ekusikanisa? Kolomutu kamake! Esawa lo, ejakai aisisianakin Apukokinio naka Ejakait Yesu Kristo, Edeke epukoro kotoma apedor naka Akeitodianareta nuka Emoyo Lokalaunan. Amen. Eyapie apaaran naka alakunio.

136 Kwana, Eidekeone kotomaKeng, Timoteo Losodit 3:16.

...Komam abunonokin epol aiyeiyea naka ayongit Edeke: abu Edeke kitodiar kotoma akuan,...koanyutu imalaikan,...kiyuunai kotoma akwap, kijaunai kotoma aibuses.

Oo, ainyikokinit alosit iingaren ido iingaren ka iingaren. Konye aibo do kwana kijai oni? Angeset naka ekokoro lo 8.

Atibong na igeuni oni e-ekokoro lo 9, *Aitapoet Nako Patumo*. Oo, ejaas iboro lukaumokin aingadis kanukon. Ijo imina Nges? [Kotemari atukos ebe, "Amen."-Ekewa.]

Amina eong Nges, amina eong Nges

Naarai abu Ngesi ageu amin eong

Kosodi aitac akaitajario

Kokitoi loko Kalvari.

137 Ijo teniteni imina ngin? Edeke etijenun tope Elopet mamakon, kipukokin ijo ebe erai Ngesi Okoku loka Edeke, Yesu Krsito, Edeke itodiara kotoma akuan, kanu alemar awai adiakar? Ejai Ngesi apukor kotoma apak nakawasia kotoma Okanisake, aitejenun Elopet.

Kwana, iboro lupelu luejaas alosit iingaren kotoma Okanisa, kosesen kosodi aanyun, kangeset naka Aisiiraret kana, ebe arai mam Ebaibuli inherit ebe ibusakinit iboro lu aismamaun, cut becebec. Aanyun arai mam cut ibecokinos, kotoma Atur naka Epeso, ka Perugamo, Swatira, cut kiton nginitur.

Kilimokinit eipone loeswama Luther, kosodi eipone loabu Wesley kiswama. Ido eipone loelosio erionget lo loka Pentekosit toma ojutene loka ajalama loka Laodikia, konye, kakidingos naka ngun, apedorit Ngesi airiun itunga. Edolit ngin. Nges ngin cut bec. Ijai oni toma awasia. Oo, eyalama eong noi! Ido, oo, kwape asesenia eong akakuan ejai atiakar awai, ido asesen ikapapero ka iboro, ido asesen akwap ka-ka eigur loejai toma, kasodi aomoom ebe eyapie Abunore naka Ejakait noi. Ijai oni toma awasia naka atur.

138 Epirisarios itauon luka itunga kanuka akurian. Kanginiboisit kere, nginitunganan, emonyi kotoma oredio, apak kere, "okapakina kanu erurwo loka okwam. Koyanga *na* toma, koyanga *ngin* kinga, kosodi alosit kwap agola naka okwap." Eipone ali ilosio ijo angopikin ngun? Mam ijo ipedori angopikin ngun. Eebo, ebuni ibore ngin alosit iputin akwatat kede akaisakany kwap, kanuka amairon akwatat akaisakany, iwaitin iwongon, kanukinyo, ti aijangareteke...Karai ti adoere ne, tikijanga Indianapolis kiton aiperikin kwap. Inyobo, tikisiara Indianapolis kiton araun amunyunen, ainom ne cut Louisville, itei ijo, ediopet kotoma ngul. Etiono alimun ibore yenejaatar kesi adepar ngol.

Ido, koany, mam ebeit ijo...Ijeni ijo, mam ebeit Russia aswam ngun. Epedori Cuba aswam ngun. Iboisit idiokere yenididi, iboisit yenididi yenalalus naka Alcatraz kokinga kangina, epedori aswam ngun, arapiar akwap kere. Ibore idiopet bon yenebeit ijo aswam nges aitetenikin ngin kosodi airiun iusi. Mam ijo ipuda ajore. Ipuda loikerep ediopet bon kanu aswam ngun, kotoma akanin nuka ajokit. Edolit ngin cut bec. Epedori ti ngesi aswam ngun, kosodi do nginibore kere angetakin. Kongetakin kere do.

139 Konye, oo, ber eong ainak ijo ibore yen yenarereng. Nakianyunia oni ngun eyapunete, nakianyunia oni ebe epedori ti ngin aismamaun eroko atupuruc. Kiitu ebe, elosi Ekanisa ore eroko ngun kiswamauna. Ejaun Auruporio eroko ngun.

Kwana, ebe imina ijo iyeniyenun, kiitu ebe, abala Yesu ebe, "Kwape ajaar kapaarasia nuka Noa, kwape ajaar kapaarasia nuka Lot." Kiitu, eroko edou edio etepuna, ajai Noa toma ataker. Ianyu? Ajai Noa toma ataker. Aponi nges kodakarai, kotoma kana. Ido kwana, arai Noa aitupuset naka Eyudayat. Konye abu Enok kolot ore komam etwanit. Ido neanyunia Noa Enok elosi, ajeni ngesi ebe adolu apak, alomar ataker. Edolit ngin. Arai ngol aanyuneteke Noa, neabu Enok kolosio ore. Ido katipet napeyangarere Ekanisa loka Imo, kitejenikin do Ngesi neejai Isirael. Ianyu? Edolit ngin.

140 Kiitu, kotoma apaarasia nuka Lot, kwape abalar Yesu, eroko adiototolet naka akim kinoma akwap, abala Emalaika ebe, "Isunyak. Katipet. Koloma kinga kane, naarai mam eong apedori aswam imodiobore kiton ijo anyoun kane." Eroko adiokim kibiruna, adaunit Lot kede ekekal alomar kinga ka alosit. Kwangin, ebuni Auruporio eroko Ican luipu kegeuna.

Ican luipu, itunga luipu igurwokina. Ibuni oni aitetenar ngin, osabiiti lo, arai itojok Ejakait. Kiitu, idarit

ijo apak naka Aiticanio nakapolon, arai ngin, arai kituput ijo ngin kotoma Obaibuli, araas ngun apaarasia Nukican nuka Yakob, itei ijo, neabu ngesi kiticanunor. Mam ngun ikamanara kede Imo. Emamei Imo ibore yenikamanara kede ngun. Emamei aitupuset kotoma Obaibuli neejai ngin. Euruporio Ekanisa loka Imo.

Ido idarakinit ijo "akipi aijaulakin araun aokot," iboro kere kwape kangul. Epote ngun nejai Isirael bobo, kokau kangina kede Musa ka Eliya, neebonguniata kesi. Eliya, irwan nakiwongonet, ebonguni bobo kotoma omoyo. Emamei edio kotoma ngul loatwanit.

141 Arai, e...Abu Musa kotwana; mam kesi ajenete neaponi kidaikina nges. Abeit nges aitajarunio kanenice kiding apak ngin kede ngina, naarai, komoru loka Aijulakinio, ajai ngesi ngina, kineras ka Yesu. Ngesi amamei? [Kotemari atukos ebe, "Amen."-Ekewa.] Ianyu?

Kwangin epote kesi abongun kosodete aario, kosodete apero korot lokomoyo loenyaritari "Sodom," neaponi kibubukinere Ejakait, Yerusalem. Epote kesi alimonokin nejaas Iyudayan, kosodete ainom akwap, ka agolokin akuj, ka ace da kwangin. Ido angetakinet naka aijanakin naka Imo ebuni aikopar ka arucokin kede ngun, ido epote Imo alosit ore, ido ebuni aijanakin ngin alosit ngaren. Ebuni ajaun amudiar naka iboro kere. Abu atutubet nakiuniet naka akwap ibiror, ka nginibore kere. Neaperioto awat ngun nukatwak kotoma orotin, apaarasia auni, kosesen eipone loarai ngin.

142 Kosesen ber ijo aputosia nu nuabu eong adum kalaije ko South Afrika, neapotu kesi koaratar ekalimonokinan ngol loka Pentekosit kangina, akeberu, eperete korot, ido nges kede idwe iarei. Ipepe yenididi, ido kobutunite akekoik koipone kangol. Mam kesi apedorete karaida ber anukakin kes. Kotubonoros, kimuanakinete kesi aimul kwangin, adaun apaarasia auni arai aongon. Abu Onac Kopp kinoma aput. Ajaatar eong kes ore, itei ijo, eipone lokiswamata kesi.

Kwangin ijukanakinos kesi ainanakineta, idiopet kayence. Kosesen eipone loitupusitere kotoma Obaibuli, ianyu ijo ekanisa loelosi aswam ngun. Edolit ngin, eyapie cut noi, ido ejai alosit toma cut kwape emun kwape kwana, kede acoa kere kwape kepedoria araun, aanyunet naka iboro kwape kwana.

143 Kosesen ber ijo adwaranut naabu Ejakait koinak eong kotoma okar 1933, eipone loabunio ngin aiswamaun, "Apote kesi acamakin angor aisek. Kotoma aicak aseeta, epote kesi aseun etunganan loaronon." Aponi koinakinai iboro ikanykaarei, ido ikany kotoma kakesi adaut aiswamaun. Ibore yenetupakini arai aberu napolon, ekanisa, apedor arai icebore, abuni aipuga United States, ayait. Ido abu eong kaanyu ngin esubit bala ekurwon, eperi, neabu kodolokinio angeset. Arai apak nakawasia.

Abala ebe, "Apote kesi ajaun kede acuma naepedori airenge emotoka. Mam bobo kesi ejaunos kede eriengian kotomake," Apotu kesi kitemokisi ngin ejok cut. Alimunitai ngin, ikar itomon ka ludiop...

Abu Emoyo Lokalaunan kalimok eong. Engin ejai toma apapula. Mam ijo ipedori...mam ngin epedorio ainger. Ejai ngin ngina toma apapula, kwape abalar Emoyo Lokalaunan.

Ikar itomon ka lodiopet eringa keduko arwatat naka Magnot, abu eong katema ebe, "Luka Girimani... Amerika epote bon...President Roosevelt ebuni araut loijodono kakere adepar ngul kere." Ido edolit ngin. Arai ngesi.

Mere aimusung akusiomisio yesi luka Democrats, konye ajai eong-eong alimokin ijo. Mam erai loka Democrat araibo Republican kwana. Erai Yesu Kristo, Okoku loka Edeke, nges inera oni nuKeng. Mam eong arai loka Democrat arai loka Republican. Arai eong Ekristayot. Kangin do, kesi, loerai ngol kere, konye koany jo kanen.

144 Ido koany kane, kapaaran kaya, arai ikoto ijo aanyun eipone loeraar ngin atukos naka imokoran. Alemun acuman ngun kosodete alokikin kes, neeraar, kangolisawa lokicakakina ijo aseetait kanuka Ejkt. Nixon, ajai ijo acakakin kanuka ekesa loce da lo, kapak kangipekangin. Ed-...Abu J. Edgar Hoover kiriu acuma kinga. Imwasi bo ai esimenenete ngun lem? Inyobo, abeit cut, ejai apapulai kere, oyemuto, ka nginibore kere. Itei ijo neijai oni?

Emamei bobo ibore yenimunot adepar Kristo. Amen. Oo, Eitabo ngol loisirerengitai! Ngesi Ngin. Ngin bon nges epedori alimokin ijo loirai ijo, neibunitor ijo, ka neijai ijo alosit (Eebo, ipa.), erai Eitabo lo loisirerengitai lomojong, oo, nges einakinit eong amina Nges. Biai mam einakinit ijo? [Kotemari atukos ebe, "Amen."-Ekewa.]

Aiyuun Papa, aiyuun Okoku,

Aiyuun Emoyo Lokalaunan, iuni lu eraas Ipe;

Emaranunete ajokin, ka ikadiakanarak akwenyun;

Aiyuun Yawe einakini nginibore amaran.

Amen.

145 Epol apaaran biai naejai iingareniwok, ipapero! "Apukokinio naka Yesu Kristo naabu Edeke koinak nejai Ekemalaika, kosodi abunore aitodikin ngin neejai Yokana, tetere ejenun kotoma Aturio nuka Ekanisan, ibore yenejai odula kanuwok."

Kisirereng Edeke oni kwana, kwape kibwoia kakejenewok. Ido yenerami apiano, koinakinai isio, aruo adio arai ipedori ijo, *Koyanga Ekiror Loka Yesu Kede Ijo*.

Kwana kopupok. Komam abunokin, ejaas ipejok ne akidingosiwok toma okanisa atupuruc na. Akoto eong yes ayogan kes. Kisukunyutu kes, alosit ore kede ijo, ka ace da nuipu. Ido isukunyikis nginitunganan. Akoto eong nginitunganan abeit cut aswam ngun.

Ido kiitu aijaanakin egeun kosawa ediopet, atiibong na. Ido kosawa ediope kede atutubet, abuni ajaun enera *Aitapoet Naajai Patumo*. Akuar naka amoi, arai itojok Ejakait, abuni eong einer nuka atur nasodit naka ekanisa, Epeso, nuka Atur naka Ekanisa ngin.

146 Kwana ilosi oni awoere *Koyanga Ekiror Loka Yesu Kede Ijo*, ekosio lokokanisawok loka aitwar. Ido kowo nginitunganan kwana. Eebo.

Oyanga Ekiror loka Yesu kede ijo,
 Ikoku yenaiturur ka yenican;
 Einakini ijo aiyalama ka ainapakin,
 Koyanga nges neilos ijo kere.
 Ekiror loketiai, Ejijim biai!
 Amun naka akwap ka aiyalama naka Akuj;
 Ekiror loketiai, Ekiror loketiai, ejijim biai!
 Amun naka akwap ka aiyalama naka Akuj.

147 Kwana eroko oni kewoo ekokoro loetupakini, akoto eong luka Methodist, Baptist, Pentekosit, Itulikan, Nazarene, Pilgrim Holiness, kere aibelokin kosodi ayogaikin kede icetunagan yenejai iingarenikon, kosiepikon, kaukon, kotema ebe, "Ekeboiororon lo Kristayot, opapero, eyalama eong ajaut kede ijo ne atupuruc na. Eyalama eong aimor eidicane kede ijo, kotoma oboro luka Edeke. Ajeni eong kijaun oni kede apak naejok noi. Amuno eong airiamun kede ijo bobo atibong na." Ibore kwape kangin, kwape kiyogaikinotor kede itunga, koingarenekon, kaukon, airimun ijo.

Akukokin kokiror loka Yesu,
 Ianyun oni atibong na, Onac Neville. Aanyunos atibong na.
 ...akeje,
 Ibuni oni aitanap Nges aboko, kwape Ekabaka loka ikabakan,
 Kengetakin alositewok kotoma kwap.
 Oo Ekiror loketiai, Ejijim biai!
 Amun naka akwap ka aiyalama naka Akuj;
 Ekiror loketiai, Ekiror loketiai, ejijim biai!
 Amun naka akwap ka aiyalama naka Akuj.
 Kiton neiriamunor! Kiton neiriamunor!
 Kiton neiriamunor kakejen nuka Yesu; (kiton neiriamunor,)
 Kiton neiriamunor! kiton neiriamunor!
 Kojai Edeke kede ijo kiton neiriamunor bobo!
 Kwana kwape kituluro oni awokokwes:
 Kiton neiriamunor! kiton neiriamunor!



www.messagehub.info

Nuelimonokinit

William Marrion Branham

"... toma apaarasia nuka eporoto..." Apuk. 10:7